

衣隱山房詩集

衣謫山房詩集卷六

侯官林昌彝薈谿

古今體

杞憂

海澗山枯事可悲  
憂來常抱杞人思  
嗜痂到處營蠅蚋  
下酒何人啖鯁鯪  
鯁鯪魚蜜醃之可以下酒  
但使蒼天生有眼  
終教白鬼死無皮  
彎弓我慕西門豹  
射汝河殤救萬蚩

家少穆先生招遊小西湖夜泛

烟波浩蕩動龍鱗  
江上愁心把酒頻  
萬點星明無月夜  
數聲烏喚不眠人  
東南民困思侯霸  
西北年荒憶寇恂  
莫負蒼生

霖雨望蠻江戍鼓起烽塵

時粵西寇氛不靖

少穆先生屬題其尊人賜谷封翁餉鶴圖

仙人騏驎羽族宗翩翩遐舉超樊籠昂然獨立壽千歲胎禽  
弗與凡禽同君不見盤野饑鷹側目視金爪怒張攫兔雉澤  
林衆鳥不敢喧一枝可借聊安止焉得強弓射封狼兼射厲  
鷹加一矢目擊當續射鷹圖行看子孤山仙鶴卓不羣鳴在陰兮和有子  
飴以潭皋粟飲以溶谿水咳以太湖萍啖以楚江芷毛羽豐  
滿時飛翀萬餘里一舉分知山川之扼要再舉分窮天地之  
終始上薄雲表離塵埃燕膺鳳翼非凡材逋仙駕鶴騰上漢  
斯圖三覆心徘徊煠空一碧月如水橫江健翮飛南來

送少穆先生總師粵西

大旱虹霓士氣伸  
揮戈萬騎走駢駢  
兵威都督迎陶侃  
民望將軍識馬璘  
早卜櫓槍銷嶺嶠  
旋看兵甲洗江濱  
朝廷宵旰資屏翰  
粵國山川草木新

送劉炯甫孝廉親家從戎西粵

將軍左鉞護靈祇  
嶺外軍聲將萬雌  
時少穆先生督師粵西  
記室久參

班傳席從戎能草  
阮陳詞深懷瘴雨  
消丹巘行看蠻雲  
散綠湄競請長纓  
真壯志論功及早  
盼歸期

少穆先生薨於普甯詩以哭之

將星一夕隕天墀  
父老環轅動地悲  
妙算夙嫻擒虜策  
英魂

長繞出師旗，蠻方共喜驅雕鷲。  
瘴海何期失虎貔，劉祖云亡韓范渺。  
中原誰爲振瘡痍？

烏夜啼寄紹興施又泉

又泉娶婦半月客十年不歸

寒潮月上風淒淒，欲眠未眠烏夜啼。  
推枕欲起寒無衣，吏人有婦兄夫稀。  
婦夜啼兮烏夜啼，啼到天明烏始飛。  
烏夜啼兮人未歸。

青田弔劉誠意伯

南征北伐出鈴韜，淮泗真人百戰勞。  
手定河山收王氣，

王去聲

坐令冠蓋壓仙曹。軍謀奇詭如孫武，主術梟雄等漢高。  
回首

青田餘故宅，空山夜月擁旌旄。

或以爲文成仙去非爲胡惟庸所毒

永嘉水上亭題壁

遠天湖水明道心相與清人烟棲鳥影樵語答泉聲樹密青  
無際峯來碧有情此間堪小隱何事慕浮名

匡巖

在溫處二府交界

匡巖接層霄天梯度飛鳥蕩蕩三千級衣帶烟雲渺空中閒  
天雞搏桑日初曉箭筈通一門天風吹未了胡公何代人遺  
廟倚天表巖上有胡則祠東瞻海似栢人影出樹杪朝陽在巾續照  
見髮皆皦排雲招神仙一謝塵寰擾

江南吟

辛亥鴈默生刺史官廨信宿成此時默生任高郵州

種花田種花田虎邱十里山塘沿春風玫瑰復杜鵑夏來菜

莉早秋蓮紅雨一林香一川一株百花花百錢朝摘夜開夜  
摘朝開看花人朝至賣花船夜回有田何不種稻稷秋成不  
償兩忙稅洋錢價高漕斛大輪佃輸官無結秬稻田價賤無  
人買改作花田利翻倍低田下濕不宜花逃廢空餘菱芡苗  
吁嗟乎城中奢淫過鄭衛城外艱苦逾唐魏游人但說吳民  
嬌花農獨爲田農淚

急賣田急賣田不賣水至田成川誰人肯買下河地萬頃膏  
腴不值錢上游泄漲保張堰下游范堤潮逆卷千畝素封難  
救餓水退有牛誰敢播湖廣傳來早稻秧一歲再收夏至秔  
收得一半勝全荒婦女踏車老幼忙油油麥芄芄穉怕數樹

梢舊漲痕夢魂常被蛟龍食但保夏汛不穿堤願買豚蹄賽  
先齋夜半西風五壩開已報傾湖之水從天來

開城門開城門水西門截秦淮源江潮逆入淮倒入一丈二  
丈城全吞元武湖高不得出一聞誰回萬馬奔千街萬戶波  
濤裡魚驚游鼃雞升垣半城窪室遷高原水氣蒸爲雲氣昏  
一歲潦尚可歲歲淹殺我六朝三國都江左幾見金陵之城  
水中坐噫嘻吁怪哉江洲日大江面日寡江底日高江口不  
瀉試登鍾阜絕頂望長江肯信長江天塹弓蛇若何處黃天  
蕩何處新林涯千里荻葭百里桑麻當年盡是波臣家桑田  
陵谷是耶非耶治河尚可水攻沙何策能使江流窪



改鹽包改鹽包出場每包斤五百到儀改捆何其么七斤豫  
章八斤楚不改恐致官私淆改捆愈多私愈眾卽控官包作  
私用有人建議更舊章動挾捆工千萬眾寢寢大舸抵楚岸  
更加官費百十萬本重價高鹽不銷減價敵私商失算曩時  
銀賤尚支持銀價日高銷折半君不見淮北改道不改捆票  
鹽歲銷數倍引官吏擯夫誰染鼎淮南聞之怒生瘕又不見  
甯波郡守師票鹽民散暢銷官府嫌彈章早上秋霜嚴利民  
利國徒鷄廉奈何盡奪中飽權

防桃汎防伏汎防秋汎霜降安瀾而河慶大官增秩小官潤  
歲修搶修數百萬與水爭地如爭命埽工石工僅補苴已被

全河謠詠縱令歲歲不穿堤國帑尚難供漏卮縱令百年  
無塞決水衡猶恐竭膏血借問潘靳治河手何以用力惟海  
口借問乾隆以前亦治河何以歲費不聞百萬過沙昏昏波  
浩浩河伯娶婦河宗獻寶瓊弁玉纓夢中懊桃花浪至鯉魚  
好酒地花天不知老版築許許礮鼓逢逢修隄於天束水於  
壩庚辰童律休言功合向羽淵師黃熊

漕艘來漕艘來如山如阜何崔嵬千梢百槩生風雷船旁水  
後橫兩腮尾大不掉何雄哉湖廣江西及兩浙前幫後幫魚  
貫接入聞聞爲阻于夫萬夫挽邪許入運運爲膠微湖蜀湖  
堤日高蓄水不多艘不濟那顧民田澤雁噉一艘橫萬艘滯

商賈愁嘆行旅廢烏乎漕艘丈八有成規受六百石無差岐  
水力船力勝米力何事礪礪巍巍爲私貨愈多費愈重徒供  
聞吏倉胥用船輕運速費亦輕河漕兩利一帆送江淮河汴  
各異船劉晏遺規至今頌烏乎戰艦苦瘦糧艘苦胖戰艦苦  
窳糧艘苦濫盍移戰艦作糧艘更改糧艘修戰艦

阿芙蓉阿芙蓉產海西行海東不知何國腥風過醉我士女  
如醇醲燈熒熒烟濛濛語喁喁或言容成授軒老帳中語秘  
事莫踪夜不見月與星今晝不見白日自成長夜逍遙國長  
夜國莫愁湖銷金窩裡乾坤殊昔聞酒可亡人國此物夏禹  
儀狄無橫六合迷九有上朱邸下黔首彼昏日醉何足言藩

決膏殫付誰守語君勿咎阿芙蓉有形無形別則同邊臣之  
別曰養癰樞臣之別曰中庸儒臣鸚鵡巧學舌庫臣陽虎能  
竊弓中朝但斷大官別阿芙蓉烟可立盡

俗曰煙癰字書無  
之說文用病瘕也

泰山經石峪歌

三登泰  
山作

石裂天開般若經氣敵岱嶽雄峻嶒縱橫磊落數玲玕上承  
萬丈瀑濺瀾瀑所衝字漫無形餘字讓出玉璫玲椎拓尚帶  
六朝冰筆鋒破石捫有棱想見願力擎云亭那數封禪秦皇  
銘至今年夜朝百靈誦經梵唄如殷霆高山流水和璁琤有  
若伯牙鼓泠泠只恐大地殊谷陵此石泐壤終難憑我欲仰  
空書大乘以岱爲筆天爲繪劫火不侵雨不淋空中說與諸

天聽捫厓剔蘚股與肱驚喜疑信紛相仍貴人遊山大瞿騰  
周頌大學譌千齡安得雷雨祛厓腥斜陽入林影鬚髯隔溪  
山鬼風谷謦嗟哉歸去行勿兢明人萬恭摩厓勒記稱此經之上有後人書大學聖經歷不相妨蓋貴人遊山憚於登厯以耳爲目聞上刊聖經卽訛疑大學雖尊丈之地亦不尊求也

良鄉遇姚梅伯同年

變

十載無家別征塵困異才水流梁趙去人自楚吳來斜照明  
仙塔饑鳥下將臺殷勤與君別懷抱幾時開

解嘲絕句答家穎叔水部

壽圖

卅年仰屋對燈檠繞鄒雲烟擁百城自向名山論事業願將

卿相換經生

家范亭農部

廷禧

詩稿題後

鰲辰

二字見南史

神驥早飛名一片冰壺骨格清讀罷君家辛亥

草

君詩始於王辰終於辛亥

前身可是顧瓊英

顧瓊英著有辛亥詩稿弱冠能詩與楊維信爲友兒

楊公所撰王山草堂記

河汾遺範憶師門

集中哭陳恭甫先生詩云河汾遺範衍文中

回首鼇峯總斷魂

入室當年重都講名山萬派溯崑崙

伯仲齊名賦棣華故人轉瞬隔天涯

君兄棟亭省元與余甲午同年

聽君詩

若山陽笛黯黯斜陽有弔鴉

不作牢騷不關奇晉安風雅足多師

李蘭卿先生題君集有晉安風雅追前輩之句

長林弓冶吾家秀愛誦農郎七古詩

集中七古詩  
爲諸體之冠

聞警

近聞元帥下崆峒  
蠻觸窩中小醜攻多少  
深閨感刀尺關河  
戍火萬山紅

題家穎叔水部詩草

壽圖

在昔詩人多水部  
何遜張籍孟賓于  
君詩筆之所到處  
遜籍賓于皆已無

感時

草木風聲驚地狂  
驚沙萬里入雲黃  
紛紛羣醜魚遊釜  
衮衮諸君鵝在梁  
憂國杜陵垂亂髮  
感時賈誼痛深創  
馬蹄竟日

長安道怕聽郵鈴羽檄忙

聞武昌漢陽失守

麟麟車馬湧波濤木落荒郊旅雁號畫角悲聲吹日動大旗

照影接天高真愁戰士閑荆隴憑弔騷人哭漢皋

武昌漢陽失守有舊

相知者全家被難

敗將僨軍留後效徒煩

廟算費焦勞

聞南京鎮江揚州相繼失守爲之愴然

風高鏹斗撼秋深羈旅聞聲淚滿襟

南京鎮江揚州三城尚未收復南昌尚未解圍

而瑞州又陷至汴梁解圍乃助戰近山西垣曲一帶賊勢殊爲蔓延

關公顯靈

議守未能遑議戰

攻城不足况攻心司農籌餉勞

宵旰大帥屯兵老羽林

揚州

與賊接仗者鄉勇也而我似杞人憂正切撫時散髮獨呻吟



閱邸鈔

中原一夕起狼烽十丈機槍照地濃吳楚風淒城戍析金焦  
聲斷寺樓鐘談兵幾輩皆房琯散賊伊誰效賈琮回首江南  
望江北哀鴻滿目愴噫噫

羣盜

風雲百萬護儲胥車騎南征走羽書鼙鼓驚棲彭蠡雁江河  
愁食武昌魚楚人如歲思陶侃晉國何臣似魏舒悵望角聲  
餘涕淚儒生懷槩欲何如

感秋

西風落葉馬蹄前戍火山河感歲年俯仰乾坤人似鳥浮沈

身世我如烟柝聲擊月聞徐豫秋色來青滿趙燕未掃萑苻  
心未死神傷父老大江邊

旅愁寄范亭農部

戎馬關山道路遲眼中誰爲振瘡痍冥冥歸鳥吾真羨黯黯  
鳴笳爾亦悲西北風沙來薊代東南烽火照旌旗傷秋獨抱  
樊川感斫劍狂歌有鬢絲

咏物二首

有狗名槃瓠能殺犬戎首三月勇奏功猛相殲羣醜東南苦  
用兵勞師三載久狂寇紛充斥官吏倉皇走大帥疎韜畧不  
戰焉能守桓桓擁重旅不若高辛狗

醜螫雖纖蟲

醜螫蜂也見爾雅

物類亦識職能明君臣義臨險無避

匿當關扼蜂虎萬眾皆振翼

蜂虎能食蜂形如蝶而黑者

憶昔元嘉時建

安飛殺賊

蜜蜂螫建安郡山賊數百人見宣驗記

覩茲小介蟲鋒芒羨雄特枕

戈諸將士視彼真無色

記問二絕句

黃塵苦霧滿閭閻回首焦山過眼墟馬上孝廉傳片語關心

經閣間藏書

鎮江焦山被夷人所據制江張仲虛孝廉於京師衙衙車上與余相遇勿勿問阮相國藏書樓

否在

石頭城裡萬人骸中澤哀鴻感壯懷更笑癡情謝蘭士叩門

夜半問秦淮

南京失守同年謝鏡雨孝廉於四更時忽扣其同寓門問秦淮妓女如何下落

自題四臣表後

敗將庸臣蚘狗紛上方請劍學朱雪四臣一表昭金鑑此是  
千秋有數文

自題穿楊圖

烏號之柘荆麋筋河魚之膠驛牛角配來天上弧矢星射汝  
江南妖氛濁陰陽摩軋相攻取晦明理亂勿驚遑盛衰消長  
信有時百萬長驅俄傾剝請看復地田安平七十餘城一鼓  
鐔唯幾能成天下務勝敗死生一掌握胸無兵甲賊膽壯靡  
餉勞師空飛髀攻心不足議攻城紛紛下策未爲确君不見  
擒王射馬伊何人運籌終古歸帷幄

寄內

桑乾水急朔風寒滿地干戈行路難一片愁心長在月家人  
好向月中看

聞鎮江柳賓叔孝廉

興恩

避寇淮安詩以訊之

賓叔精穀梁之

學

聞君築室入深山白石清泉相對閒我寄愁心千斛去白雲  
長鎖莫教還

哥哥子吟

北方有蟲名哥哥色綠形如蟋蟀而聲清越越慈谿鄭  
寒村太守

梁

有秋涼籠響哥哥子之句余兩載羈寓

京師聞其聲爲之愴然作哥哥子吟

秋涼籠響哥哥子庭前一夕金飈起悲鳴擾我還家夢王孫  
不歸黯然矣淒淒切切聲可憐渾如急管與繁絃草間蟋蟀  
吟相答似訴羈客愁頻年頻年我唱悲秋曲登山臨水愁宋  
玉上書敝盡黑貂裘苦吟伴我寒燈綠如怨如慕聲斷續我  
亦籠中同局促不平與我同悲哀我愛哥哥真不俗桑乾風  
急沙茫茫一聲去雁東南翔

楊椒山琴歌

琴匪魏  
如海家

伶倫旣死餘嶙峋欲挽元氣回鴻蒙神祖聖伏嗟道窮夜深  
重華投以鏞排闥叫舜殛四凶大聲莫覺天若聾竟操拘幽

姜里中天王聖明臣罪愆忽有變徵無商宮追呼比干陪關  
逢奴隸叔夜兼蔡邕呵叱仇鸞與嚴嵩萬古方輿一寰穹哲  
人旣往我安宗誰知以耳以神通夜深羽駕來相從黜頤其  
躬蒿其曠泠泠爲我彈天風履霜別鵠如相逢月華如水空  
堂空霜華夜厚無吟蛩俄頃四座愀無容惟餘一人一枯桐  
運丁叔季誰牙鍾不如希聲返視聰刺舟而去成連翁或者  
相逢東海東

聞懷慶解圍志喜

傳箭驟聲畫鼓乾局風河北鐵衣寒八屯虎旅從天降一夜  
狼星墜地殘酒上麗勳終棄甲越天韓說勇登壇連營歌舞

征旗捲捷報甘泉萬戶歡

癸丑七夕

高臺永夜望雲旗天上人間感女兒不事春懷只秋思並無  
死別但生離關山黯黯聞砧暮河漢蒼蒼去鵲遲我亦有家  
歸尚早十年八度望南箕

中秋箕子父  
見於南方

喜及門沈幼丹大史

葆楨

分校秋闈

都講登堂張一軍河汾大叩振斯文風簷有淚應如我冰鑒  
無花總望君名下當年思陸贄經生幾輩尚劉蕡成藍獨對  
青還愧鵬鶚凌秋信不羣

答粵東吳蘭皋儀部

世驥

見懷之作



上書闕下忝微名欲博頭銜慰此生

前歲今上登極行臨雍典禮昌彝以所

纂三禮通釋二百八十卷進呈蒙

上諭留心載籍不爲浮靡之學又蒙上諭留心經訓徵引詳明賜官書由儀部進

不解吹竽嗤抱瑟有懷籌筆學談兵秋深代北孤蟬咽夢逐

天南萬馬鳴回首鄉關愁畫角尚妨烽火滯歸程

儀部精兵法

### 妖氛

妖氛江北逼江東蟻戰蜂屯痛煽訐真憶寇恂驅虎豹難逢

臧厥奮罷熊軍中動櫓誰摧壘城上穿楊孰挽弓自笑書生

思荷戟同仇有淚灑秋風

揚賊最猖獗嘗以人血飲所掠兒童使打仗必克押

### 雙星

二年作客悵孤蹤羨爾雙星兩度逢他日雙星應羨我魚中

鰈鰈獸印印

思歸

金臺秋色入斜暉蕭瑟鄉心逐日飛聽到鼻亭公勸止

鵬鵠名鼻

亭公見黃山谷詩註思歸不得不如歸

芳樹篇寄贈家穎叔水部

庭中有嘉樹綠陰及時芳上有慈孝鳥巢近桂蘭堂禽鳥有  
至性返哺意何長勿以微物輕慈孝家之祥君子娛清陰春  
華發紅香餘陰庇四隣嘉名爲君揚

穎叔事寡母有孝行

用兵謠

百人敢死敵人折千人敢死敵人滅

將歸福州留別及門沈幼丹太史

蒼茫天地易斜暉  
萬里征塵上客衣  
秋色西來山北向  
江聲東去雁南飛  
干戈經歲民方困  
關塞驚寒我欲歸  
策馬躊躇與君別  
獨憐臣朔正呼饑

附錄幼丹太史送別詩

受業沈葆楨

世變關心意不平  
絳帷終夜侍談兵  
九重宵旰憂羣盜  
三窟經綸羨鉅卿  
廟算卽今容敗將  
天心終古愛蒼生  
不須惆悵江南路  
百萬黃巾識姓名

望鄉

平楚蒼蒼夜月停  
燕臺愁見雨秋螢  
家山回首長天遠  
怕看

南船飛鳥星

一騎

烽火南來鼓角虛  
虎狼十萬遍郊墟  
路傍一騎流星過  
可是江南報捷書

通州旅舍題壁

黃沙白草路蒼茫  
老去風塵兩鬢霜  
回首中原須管樂  
關山立馬看斜陽

通州旅次遇門士張積山部曹

天涯同作客杯茗話  
通州關塞君如雁  
乾坤我似鷗驛花  
臨水發成鼓入秋  
愁後會茫茫事臨歧共涕流

天津道中

一別桑乾道濛濛海氣通天低惟見草地曠易驅風落日晴  
山北橫鞭塞馬東歸心問流水明日向征蓬

楊柳青避寇

楊柳青人家兩岸羅雲屏司關小吏如蝗螟洋烟吐納聞臊  
腥滄州城門血爲醺流離萬室愁伶仃一婦抱子逃駟駟我  
救其子哀三齡令列難共妻攜子逸其母投水同蜻蜓舉足一躍歸河  
靈鯉魚風起揚飛船頃刻舟返天王廷得大風二時舟折回天津衛復詣京  
師蒼蒼佑我少微星幸免去飲探丸酬遲一時便爲賊所擄

金臺秋感十六首

時避寇折回京師作

瓠子秋風又屢驚從來水旱繼刀爭盾薪誰暇榷薪計金穴  
甯防蟻穴傾亢角氣纏河鼓壯櫓槍光伴大梁明未祛鄒邑  
妨封殖遑說銀潢洗甲兵

谷改陵頽逆若潮懷襄以後未今朝五行水氣乘金氣四列  
南條變北條改道遑師王景策遷都先畏洛陽遙尾閭不暢  
休喉舌杞國徒憂曲突焦

時有移開封省會於  
洛陽之議卒亦不果

大漏卮兼小漏卮宣防市舶兩傾脂每逢籌運籌邊日正是  
攘琛攘費時悔若蛟宮奔貝族河宗寶藏積馮夷莫言象數  
精華匱卦氣爻辰屬朶頤

但有公厨總聚羶斷無百載不更絃書陳蠹要三熏沐衣舊

蠟須九澣瀋甲乙海王微管策下中田賦貢揚篇鼎新改故  
神明事鹽漕何人破舊筌

小草難希橫草侯買山爭作出山謀春風牧監輸羊稅秋雨  
文園典鵲裘弓玉不懲陽虎竊車金空等茂陵求當年文景  
捐租日府海官山尚不收

海外天驕闖塞扁居然內盜起門庭那寬節鉞輿尸罰翻重  
花封墨綬刑烽火秋山乘一障風塵馬邑責孤亭試占蕃葉  
春秋法陽月如何有赫靈

海外休談更九州江南財賦尚千秋漢家表餌和戎策越國  
繒純沼敵謀互市那須汗血馬開邊自有糞金牛却欣酒價

年來賤半笏朱提百石舟

粟死金生孰後先由來二物互操權荒年穀賈豐年玉下賦  
田徵上賦錢寒食幾曾烟果斷尾閭愁說海堪填蝸廬外漏  
兼中蠹宵擁長沙家令篇

日盱傳餐五夜壺如何秋氣賦凋蕪恨言武備承平弛試問  
文才振鐸無山澤雲雷徵蜴蝮關河霜雪辨鴛駒雲雷霜雪  
朝朝事誰待中流始覓艫

中山一醉三千日大華一眠五百朞秋水馬蹄天放客春冰  
虎尾夢回時定哀筆削惟關口官禮經綸笑得皮輸與成都  
簾下卜百錢周易慰朝飢



元氣須防戰伐衰但將持重擁軍麾養癰或得中醫藥不下  
翻矜國手暮降虎降龍衣鉢在功人功狗是非疑宋家議論  
何時定又報河水凍合時

戰電遶臺甘損目搏蛟赤手肯捐纓兵刑長短千秋論號令  
倉皇五夜盟陷帥羊斟逃更謗歸元先軫視猶生近聞廷律  
誅囊瓦稍慰鴟夷萬馬聲

翁洲絕地海天涯不與前朝版籍偕那用敵人歸鄆邑更分  
兵力守珠厓金湯分踞三方壘斧鉞森嚴十二牌但識守江  
賢守海何虞騷浙更騷淮

三面因山一面墉築城竟與海塘同地遙守有鞭長慮敵越

山成腹背攻倒馬關前常色變釣魚磯上見形雄當時聚米  
量沙客重向寒濤弔朔風

屢聞粵島獲餘皇大使娥眉妬雁行三級首功收魏尚九邊  
矯詔罪陳湯若從露布衡虛實試較要盟孰短長寇拜海中  
恭順奏砲安阜頂脅和章

忽奏風雷驅寇賊又張寇賊劇風雷卽今媚虜排湯客曾附  
攘戎効石來

陳湯石顯

蓬直麻林能幾日羊蒙虎韞敢逢豺後先

不值單于笑此是唐家節鉞才

### 燕臺曉望

白草滿燕薊西風塞上來三湘方弔友

閔即報知湘潭鄒叔績孝廉於廬州殉難

十策爲求才

所撰平賊十六策每篇後歸重求才  
王子槐少司徒奏進上採納之

天向笳邊

老雲從鳥外迴可憐湖海上散卒遍蒿萊

陳陶軒

鑄

將之秦詩以送之

萬里關山夕照斜雲開華岳柳飛花離愁同抱憂時感三楚

城頭起暮笳

時楚地賊  
氣尚熾

蘆溝水急響菰蘆征旆蕭蕭已載途馬首塵沙送君別袖中

定有北風圖

君精繪事爲余繪  
三禮圖進呈

保定道中

時長星見  
於西北方

鳴笳吹角動塵埃荷戟橫戈孰將才黯黯關山牛馬走嗷嗷  
梁稻雁鴻哀愁余短鬢霜盈把勸汝長星酒一杯獨枕羈縻

應不寐黃沙萬里逐車來

清風店

山色太行不斷青馬蹏迢遞去無停清風店外風如虎襍被  
行人戴曉星

明月店見歌妓彈琴題壁

苦憶鄉關隔輪蹄怨路迢亂離名士賤羈旅僕人驕野曠鵬  
鷹下沙飛薊代搖匆匆乘傳去未暇看雙髻

正定道中

滾滾征塵怨道途戍樓又聽角聲孤

時正定保定一帶戒嚴

平沙柏樹

看來短夕照荒邨望欲無但使芸生銷劍戟何妨我輩老菰

蘆山行不必妨豺虎曾背仙人五岳圖

余於滄州遇粵匪寇城無恙北河遇寇又

無恙

宿博陵四首

地為漢蠡吾王舊封

櫛櫛三邊地寒鴉向日哀禾生燕相壘榛滿項王臺滾滾英

雄去滔滔旅客來滹沱方落日暮色冷相催

太行森向北上黨策車忙塞接盧龍紫沙飛鉅鹿黃野燐能

礙月哀角欲欺霜豚髀肩脾俗行人為慨慷

風動白溝河如聞擊筑歌關鶉當日戲鳴狗至今多富貴真

如夢元遼已逝波蒼涼人代感去鳥百年過

雨暗煙冥外埃驚日慘區地形襟晉鄆山勢扼殷墟塞草寒

呼雁天星夜拜狐何人鳴鳳築灑淚望平蕪

代州道中

鹿鹿驅車去車頭戴月眠狼烽連豫晉蟻陣迫幽燕僧所焚  
餘樹人耕戰後田南歸心正切歲暮聽啼鵑

渡滹沱河

太行山色照鳴駝北雁南飛路遠何三尺河冰驚始合如呼  
王霸渡滹沱

邯鄲道中聞鷓鴣聲有感

萬里家山有夢歸黃沙莽莽上寒衣鷓鴣本是懷南鳥何事

年年向北飛

鷓鴣飛必南  
翥一名懷南

渡三夾河

匯惟南北海西之水爲三夾河

三年羈客滯天涯  
傷別傷春苦憶家  
一葉扁舟江上去  
不聞漁笛聽哀笳

公無渡河

公無渡河渡河兵多擄掠

江南一帶兵丁多擄掠婦女比賊尤甚

邦溝懷古絕句

垂楊斜日哭西風  
玉樹瓊花一瞬中  
三十六封書太急  
雞臺有夢總成空

丹陽絕句

匹馬南來出險身

余九月出京由天津買舟至滄州適滄州城陷僅而後免折回京師十月再由京師

道出保定行至揚州玄靈廟適廣陵  
營勇潰賊蠡湧而出又幾陷賊中  
蘭陵成鼓起煙塵蝟蜂  
蟬斧何時息不見凌亭擊虎人  
元和郡縣志凌亭壘在丹陽縣東四十里吳志孫權傳射虎凌亭馬爲虎所傷張世擊以戈獲虎

舟發姑蘇至杭州

萬嶺接明月孤光如許秋江河容獨枕吳越載扁舟詩思和  
烟澹愁心逐水流東南猶戍鼓懶上酒家樓

睦杭舟次遇姚梅伯燮成長歌送歸四明

昔在長安霖且霽子興恆苦子桑飢裹飯挈榼來衝泥入門  
金石聲殷楫太音驚破巴人雌變雅能回騷屈衰問君高吟  
何所裨上不清廟和瑟希下不比閭拯殿屎刁騷唱和天風



不問一  
言  
三  
噫怨蟲哀鶴嗟何爲年來東海揚鯨鰭萬家蕩析無安遠君  
尤爾足面目黧室燬冊焚田蒿藜老親弟妹同趺跖時非天  
寶非拾遺七歌同咎嗟何爲颶潮倒立天四垂盲風怪雨飄  
傾欹感時弔古傷肝脾無計擣穴兼守陴見幾幸決如鳬鷺  
上書索米兩無幾夢回故園聞戾戾與我磨蝎同斗箕修慧  
無福今生遲聞君慕道希元芝內景泰同師息龜天台四萬  
八千梯中有丹爐森莫窺君能訪之逢聖師回光養珠浴咸  
池一朝丹成翥飛淮南拔宅雲中雞回頭大笑人世非揮  
手相招行勿疑

舟中書趙清獻傳後

憂民饑溺視如傷澤遍閭閻濟世良行省威凌周茂叔告天  
曾否亦焚香

富春舟次

無處江聲不斷魂扁舟一葉蕩橋門大魚小魚半上釣杏花

梨花共一邨盼到斜陽添客思嘗來鄉味憶家園

時於舟中食海丁香

去年此日石渠閣手擘華峯探月根

去年此月在京師注參同契

讀書松桂林圖爲張鑄广明府賦

先生自愛讀書樂況有山林供飽看廿四年存高隱迹十萬

言結古人歡由來仙界多才子何用浮名作宰官寄語故園

舊松桂好留蒼翠待盤桓

明府好道家言

和和靖先生山園小梅元韻爲同舟王子爲賦

紅橋一水隔紅關吟到梅花得句難  
明月欲來春鳥散天風吹下海雲寒  
青溪不厭籬邊種白鶴當於石上看  
補就孤山三萬樹好從花裡據吟鞍

感懷絕句

海風吹月動明河月色愁人照薜蘿  
萬里煙波空過眼此身原是百東坡

過桃花嶺

生平雅愛佳山水昔過富春今永嘉  
妙絕畫圖渲染處斜陽孤燕萬桃花

衣隱山房詩集卷七

侯官林昌彝惠常

古今體

惺惺

惺惺自笑不惺惺  
蘭芷清幽孰薦馨  
角里出山梅福隱  
陶潛長醉屈原醒  
困龍對面羣魚躍  
饑鳳前頭百鳥靈  
欲向松間撫流水  
隔林還怕有人聽

題顧橫波小影

當年娒席擾摩登  
幾使楞嚴注不成  
絕妙枕邊黃石老  
禪心難破日東明

夜

胡爲夜沈沈忽若波漾漾迢迢往如復肅肅清彌悄河漢不  
在天潮汐不在島戰馬不在塞哀蟲不在草撫絃寫不成開  
門月方皛萬古夷則律一夕百物槁金匱練還丹欲使顏色  
好如何藐姑仙乃是杜康造

亭檻詞三章

昔司空圖題休休亭檻曰咄咄咄休休莫莫莫伎  
倆雖多性靈惡賴是長教閒處着余默觀時事俯仰  
身世本此語作亭檻詞三章以寄志俾閱者視爲天  
下傷心人可也

咄咄咄看我衝冠森怒髮潢池盜弄本區區七載勞師空戰  
伐萬家聽哭楚江魂二分又死揚州月雲愁霧慘鬼悲哀像  
徐殺運連吳粵不聞三箭定天山誰效單騎見回紇咄咄咄  
平戎日望天王鉞

休休休官方如此是吾憂高爵厚祿若不忝腰懸金印稱公  
侯創深父老江頭喘官不問民但問牛嗽鴻百萬集中野長  
官攜笛上高樓此有實事心傷赤子流離日眼見貴人歌舞秋休  
休休伊誰請劍斬而頭

莫莫莫碓砑山人慘不樂鳴狐篝火在城頭拔劍悲歌雙淚  
落洋烟流毒遍海內蚩蚩萬姓填溝壑攘狄不見管夷吾和

戎肯效秦長腳海山百萬歛金錢遠夷歡喜生民愕莫莫莫  
六州聚鐵真成錯

讀道州何子貞師詩集題後

紛綸萬軸賈長頭詩卷煙霞記十洲讀到飛雲仙洞句太行  
東走海西流

鄂州鬼哭陽冰篆潁水龍求永叔文奇集獨防六丁取袖中  
時有大雷聞

芎口

建陽芎口非  
建甯芎口

桑柘人家接翠微蕭蕭鳥徑客來稀一聲漁唱山皆綠二十

六鷗傍水飛

舊有三十  
六鷗亭

侍 大人宿舊口

慶奎

山影斜陽外，樵夫荷擔歸。  
橋低荒徑仄，峽斷怒泉飛。  
孤鳥立牛背，亂雲生客衣。  
我來日云暮，行店掩柴扉。

登邵武城西熙春山

策杖城西熙春俯郭高

山隔城僅里許

鱗鱗看瓦屋一一辨秋毫

誰謂城如鐵時防寇似毛  
我無民社責議論亦徒勞

侍 大人登熙春山

慶奎

金鰲洗馬

名峯

各鈎連桑樵人家入暝煙  
山影斜橫秋雁外

菊花開到晚風前半谿波綠飛雙棹  
八月風高有亂蟬偶爾題詩閑掃石歸來小憩暮雲邊



月夜登秋聲樓

秋月秋風夜秋聲已滿樓  
秋星千去鳥秋水一歸舟  
天地雄才夢砧笳棄婦愁  
名山高隱後樵嶺盡清秋

隱士有秋砧秋笳二詩

侍 大人登秋聲樓

慶荃

萬嶂連雲黯不開  
忙忙高鳥自飛迴  
山川如此宜秋士  
壇坫當時幾俊才  
東去谿聲空歲月  
南來旅客上樓臺  
登臨憑弔懷高隱  
不盡秋聲入耳來

讀朱子武彝九曲詩題後

九曲詩當曲曲看  
此中一曲一金丹  
度人經與叅同契  
隱語通玄索解難

感事別詩一首

雲煙搖筆入詩囊，鼙鼓聲中憶故鄉。

時東城百里外有土匪數千人聚嘯山場為鄉

兵擊退

傍水祠堂思將相。

李忠定公祠在五曲水傍

倚城壇坫弔滄浪。

嚴滄浪詩

諸樓倚城上

直教北冀真無馬。

門生數十人多方重能文之士余所選樵川制藝皆出入理法見者

以為數十年來所未有也

不意中山竟有狼，滿髻風霜愁倦翮。勸歸語鳥

話斜陽。

意氣平生隘九州，雲山萬里快孤遊。

徐豫秦晉齊魯燕趙楚吳皆已歷覽乾坤

莽莽雙來雁，身世茫茫一去舟。載酒生徒今悵別，歸裝琴劍

又橫秋。他時倘結臨風想，莫為懷人向我愁。

門士百餘人挽留並餞余於熙

春丹臺二山數

十人送百里外

論詩一百又五首

偶閱近代詩家詩戲作其人存者不與未見者不與  
見而無容軒輊者不與自順治至咸豐成一百又五  
首以祝遺山阮亭又加贅焉

胸羅列宿貫三王一首詩歌一字金當代風騷誰領袖開山

獨讓顧亭林

崑山顧亭林炎武

萍梗飄零亂世身悲歌散髮又靈均心香欲下翁山拜端合  
黃金鑄此人

番禺屈翁山大均

風雅能追正始還詩壇拔戟獨當關長歌短句皆沈摯律中

黃鍾無射間

番禺陳元孝恭尹

閣老清樽寫妙詞

清樽宛轉歌三疊文定公句也

名章雋句誦無遺

文定公在位篤

於人物薦士不少單門寒賤有名章雋句輒歌詠不置

朱明宰相喧楊溥不許人看李

杜詩

永城李湘北天酸台肥籍詩常禁人讀李杜詩謂李杜二家詩不知古韻

明宰相楊溥拙於

月旦評詩拂水狂兩朝裴展話滄桑  
類齡才似春花謝一禡

淵生實可傷

常熟錢牧齋謙益

杜老香山又義山森嚴壁壘關雄關  
三家江左非同調

近代刊江

左三家詩以錢牧齋龔芝麓配梅村

只在衙官屈宋間

太倉吳梅村偉業

白下才華重合肥散花天女著銖衣  
橫波捧硯鈔詩艷一卷

琅璈五字稀

合肥龔芝麓鼎華律詩為最餘不逮樂府

集中以五言亦少遜

中唐妙境冠詩軍  
尊客清詞迴不羣  
賈島孟郊今未死橫吹

鐵笛叫秋雲 潦浦趙雙白潛

一集秋筇變徵聲紅顏白髮可憐生蒼涼驛壁題詩去腸斷

黃沙萬里行 吳江吳漢槎兆騫 漢槎西曹襍詩自序云望

倚徐虹亭云漢槎驚才絕艷數奇淪落萬里投荒驅車北上時嘗託名金陵女子王倩娘題詩驛壁以自寫哀怨

大雅扶輪萬卷儲風流宏獎老尚書君看入蜀詩中境詎獨

羚羊挂角餘 山東新城王阮亭士正 阮亭詩雖有含脂膩

象渡河豈獨 粉之弊而入蜀後詩骨愈蒼詩境愈熟也同香

劇奏長生出涕滂宮商樂府重金鑲 大樗集工樂府宮商不

佳四婢媚與天涯淚播遍旗亭唱小蠻 武康洪 助思月

風電冰霜入筆尖陶 潛 王 祭 阮 籍 仕 甫 一人兼紅爐點雪論

詩品我愛鍾嶸法律嚴

泰州吳野人嘉紀

短句長言盡入情獨吟花發妙天成

獨吟花發澹法句

梅花春色詩

中境別有幽香入夢清

晉江丁雁水煇家香海謂澹汝詩有一種幽香之氣襲人夢寐

施宋朱王壁壘開中原旗鼓孰相摧考功長鑱堪橫海筆底

鯨魚跋浪來

曲阜顏修來尤敏

散厚溫柔正雅師江東五字重南施蛟綃買得紅千尺獨繡

萊陽七古詩

宣城施愚山閏章萊陽宋荔裳琬

足跡燕齊更楚吳名山嘯傲又江湖詩篇伉爽商聲近易水

歌來起夜烏

南海梁藥亭佩蘭藥亭易水歌爲集中之冠

青銅石骨攫髯姿

阮亭謂鐵堂爲天下奇人其雙松歌詩長篇贈許天玉有攫髯石骨青銅姿之句

家學韓嬰善說詩七字強弓誰敵手後來知已虎頭癡侯官許鐵

堂現 顧南雅從書肆中得鐵堂詩

手錄而序之七律有強弓勁弩之稱

嶽色河聲伴著書嶽色河聲天章所得小印也天章詩筆盡難如愛才獨

有漁洋叟佳句爭傳萬口餘蒲州吳天章雲 天章至京師未知名阮亭誦其句於葉詠菴

葉下直即命駕訪之天章集中名句如千點桃花半尺魚及空林黃葉已無多為時傳誦全集不逮也

大海迴流入筆端長蘆婢雅冠詞壇羅胸十萬緗囊記竹垞藏書

十萬卷皆落落歸田七品官 秀水朱竹垞彝尊

能記誦

屋傍撈蝦下釣絲王漁洋懷崔不雕句有屋傍撈蝦滑潮荒種蛤田漁烟水氣襍新

詩不雕句有水氣崔一崔名句傳人口池北偶談吳梅村黃

葉聲多酒不辭太倉崔不雕華 不雕以丹楓江冷人初去黃葉聲多酒不辭得名者

悲歌湖海獨堪哀  
餐菊題詩託酒杯  
飛瀑青溪青溪寺成往夢

殘縑零落付蒼苔  
侯官許殿香友  
絕之稱其黃庭飛瀑青溪寺畫卷最為人

間所寶詩  
亦娟秀

蒼僕疲驢使節香  
青山紅葉歷行裝  
門生餽歲傳佳話  
殷子

敲門十五章  
德州田山蘊安  
兩驢蒼頭奴兩人  
成有司勿給供張自市蔬菜

十把脫粟三斗殷  
彥來於除夕餽詩  
田山蘊先生  
報以詩云何如殷子新詩美饒歲敲門十五章

怕拾楊劉但抒情  
初白句怕拾  
楊劉號作家  
畧拋健氣出真清  
後來袁趙

沿詩派可是前賢誤  
後生海甯查初白慎行

錄著談龍頗自誇  
詩章風味小名家  
矜才到底傷輕薄  
科第

如開頃刻花  
益都趙秋谷執信  
秋谷著談龍錄多譏刺阮  
亭秋谷以國服未除觀演長生殿劇落職



天馬行空翰墨馳神龍變幻入新詩黃山雲海同胸次三十

六峯挺立奇

吳江潘次耕來如黃山三十六峯

松陵詩徵謂次耕七古諸作挺立雲海中雲雖變幻山終

不動也

抵掌談兵鬢有絲鄴中訪古弔殘碑千秋金鑑懸冰案

甫草論詩

學詩必從古體入若先學近體骨必單薄氣必寒弱材必儉陋調必卑微必不能成家袁質中謂爲論詩金鑑不讀

盧仝馬異詩

吳江計甫草東甫草雅不喜閱盧仝馬異詩

私淑元和力未深談經負氣少平心河汾自有王通說誰撰

中經誤古今

蕭山毛西河奇齡西河好撰僞典譬之中經中說作僞者非眞文中子之書也

浪捲前朝落筆新

王考功謂迦陵詩浪捲前朝去英雄語也

江湖風月誓爲隣

生平以徜徉湖山爲志

臨終驚座留佳句山鳥山花是故人

宜興陳迦陵雜崧

迴陵疾革有山鳥山花是故人相傳  
迴陵爲善卷山中誦經猿再世云

氣骨才華兩擅長秦淮懷古最蒼涼樊榭五言以氣韻勝七言以才情勝秦淮懷古

四首不愧名作羣書淹洽三江冠更有詩篇接宋唐錢塘厲太鴻詩

元金遼遺事著有南宋紀事詩及遼史拾遺

馬槊弓刀遍八荒子遙長於弓刀馬槊論文談史劇疎狂水雲千頃成

詩料子遙官闕歸居陳墓河水雲薊北江南半夕陽長洲許

鐐薊北江南共不眠子遙寄內句也

狂才跋扈復飛揚樹幟西甌鄔荔鄉詩趣通禪原陋說力攻

嚴叟闢滄浪建安鄭荔鄉方坤荔鄉辨滄浪詩話詩趣通

詩史森嚴見海珊史稌詩又傳奇句寫危難有跳珠濕

身手與霹 湘娥獨抱江間瑟不為遊魚出聽彈鳥程嚴崧

鬢影簪花弔美人彈絲撥竹妙通神流傳不在多詩句長慶

歌行有後身會稽商寶意盤 實意有明知愛

營草詩篇溫李躋裁紅翦翠露靈犀秋江婉約春花艷一瓣

心香許月谿永福黃莘田任 十硯翁詩私淑侯官許不棄

葉詩學 北宋人

嶺南一集久推袁上接黃全鼎足尊黃梨洲有南雷集全謝

足詩律更增深厚力居然文采照中原仁和杭堃浦世駿 大宗嶺南集為生平

傑作然尙少蕭疎之氣 深厚之力非其至也

落筆縱橫風雨驚文名重處掩詩名淡烟涼月皆吟思短句

錚錚接步兵

桐城劉海峯大樞莊子尤力追昌黎

海峯古文喜學五言詩益多可味

文種銘同靈濟碑摩空健筆染淋漓龍堂碧海高文重不獨

詩歌絕代奇

山陰胡雅威天游文比之李文饒權

雅威雄於駢偶載之無多讓焉

由來骨格貴峻嶒未詣蕭臺第一層風雅別裁傳鉢在宛如

禪定一孤僧

長洲沈歸愚德潛

詩藪金陵築小倉少年綺麗晚頽唐如何愁殺瓊枝句竟許

門生到後堂

錢塘袁簡齋枚汝瓊枝來立雪一時愁殺後庭花之句有傷風

簡齋贈其門人劉霞裳有似

化無取也

解佩悲歌接漢皋冰壺濯魄滌雄豪傷心楚客多憂患詩境

江天萬鷺高

湘潭張陶圖九鉞

七言激楚復悲涼五字蕭寥又老蒼朔氣關雲奇句在敲殘

鐵板唱斜陽

蒙古夢午塘麟

蘭幽茶苦語通神

南園詩茶苦有餘味蘭幽無驟香

清婉吟篇迥出塵得句

都工趨世拙果然詩富補家貧

江甯何南園士容南園與上元陳古漁殺爲金陵兩詩

人詩富補家

貧南園句也

又見詩人賈浪仙江東歌席抗時賢揮毫盡化雲烟去一一

鶴聲飛上天

欲方子雲正衡人得之皆可名世

子雲工於體物一聯一語唐不止一一鶴聲飛上天之句

鴈辰夢早醒黃梁

故人誰少年二亭句也

杜宇啼殘鬢有霜

啼殘杜宇客無歸片

石句也

朱二亭同江片石愁吟花月艷維揚

江都朱二亭貧如舉江片石干

二人皆揚州詩人之極貧者

荃蘭哀怨譜孤絃牛耳齊盟孰比肩莫聽淒涼江醴曲千秋

魂斷柳屯田

臨桂朱小岑依真世傳奇分綠窗劇去弔柳一劇最為悽愴

小岑工填詞有人問

奇筆天風捲海潮生平字畫亦孤標嶺南我定三家集祧去

藥亭配二樵

順德黎二樵簡翁山陳元孝梁藥亭余輯射鷹樓詩話擬祧去

王蒲衣定嶺南三大家詩屈

以二樵

淺處言情感物深纏繇愷惻盡哀音精神上溯天應泣萬轉

千回只此心

閩縣龔海峯景瀚集云先生至性重倫義篇章感人皆涕洟

楊蓉裳題海峯雙驂亭

眩目何為繡色絲西江宗派竟多師

覃谿方網詩效西江詞章經術難

兼擅徒博徐凝笑惡詩

大興翁覃谿方網覃谿詩思填實蓋長於考據者非不能詩特不可以

填實為詩耳以填實為詩考據之詩也故詩有別才必兼學識三者方為大家顧亭林朱竹垞皆長於考據而詩之雄厚

淵雅非餘子所能追步 覃溪經學

非其所長至攷訂金石頗有可取

干戈戎馬老詩才玉筍聯班入座來愛士萬間開廣廈黃金

市駿到燕臺 青浦王蘭泉昶 蘭泉壯歲身歷戎行歸掌教書院席所造多樸學之士

說孝談忠筆有神每於精處見天真鳴黃莫信隨園口誰定

三家第二人 歸山蔣茗生士鈴 三家蔣袁趙也簡齋論詩以第一人自居以茗生為第二人殊非確論

全無含蓄但矜張不按宮商榷上場又見談詩趙仁獎王玳

墓下唱黃鸝 陽湖趙鳳北翼 趙仁獎唐人也

仲則羣推一謫仙爭傳豪竹入詩篇揚州煙月留風雅 仲則未弱

冠所為詩即有試聽湘靈絃外絃 武進黃仲則景仁 仲則烟月揚州之譽詩有味外之味音中之音

然仲則以五言古為佳餘少幽燕老將之氣其友洪雅有為之作傳當論之

絕艷驚才接玉谿王楊盧駱亦家雞千言紀事追工部蓉裳伏羌

紀事詩一百鐵馬金戈字字悽金匱楊蓉裳芳燥蓉裳令

韻力追浣花孤城子傳餐獨當

不突詩有管死孤城在之句

說鬼談詩妙境開兩峯工畫鬼詩非其至生有異稟日見窮

形畫理寫織埃五王樓炭經奇幻釋家有五王樓炭經言

地獄變相最為奇幻

漢魏齊梁儼一家佳人臨鏡笑拈花千秋如定詩中譜不是

琴音是琵琶錢塘吳穀人鋤戲琵琶讀人聲白樂天詩四絃不測琵琶聲朱竹垞詩龍香小柄琵琶響皆不

讀平聲

鑿山詩筆挾飛霜三省軍書草檄忙天下奇才誰比似傳修



期與馬賓王

大興舒立人位  
神苗又攻白蓮賊

立人從威勤侯勒保征南籠  
治三省軍書百函并發勒侯

以傳修期馬賓王目之所至  
皆有詩超越變化無意不奇

石棧天梯萬象空總持河朔壓羣公詩家妙旨無人悟盡在

朱霞白鶴中

高密單芥  
舟可惠

手擎華峯五岳搖魚山壁壘獨崢嶸琳宮貝闕開詩境仙樂

雲中奏九韶

欽州馮魚  
山敬昌

湖山傲屣視雲鱗吳邵詩名趙味辛

但有詩名尙千  
古味辛句也

舉世幾

曾春夢醒

與世人誰醒春  
悲味辛句也

一壺一碟十詩人

武進趙味辛  
玉味辛與都

下士人十人各攜一壺一碟  
諧其聲曰壺碟會見亦有生齋集

吟懷澄淡似蘇州三昧都從五字求

時帆用漁洋三  
昧之說言詩

氣義雲

霞詩性命梅花樽酒話清愁

蒙古法時帆式善羣雅集詩士以詩文為雲霞以氣義為佳

命時帆詩但有梅花看何妨長閉門及貧餘酒在樽又名句  
淡花開不離為王鏐夫所賞又黃葉打門響青山生暮寒見

香石詩話

護短由來慮見攻宋唐詩派本難同夏蟲莫向春水語升降

高卑辨至公

陽湖楊西禾倫西禾論詩云高卑辨詩派升

偏護短慮見攻護短一語古今才人學人多不免此病夏蟲難語水亦西禾句也

成鼓關山燈火涼愁雲慘月入詩囊仙才不愧青蓮步樂府

堂堂壓魏梁

臨桂朱蘊山鳳森

狂及生前寄語深

季遠詩千杯酬我上北邙不及容我生前狂奇語也

文章經術冠儒

林瑯嬛洞室論詩趣嘉耦簫鸞共賞音

陽湖孫季遠星衍夫人王採薇工詩畫

獨闢洞天忽一鳴山雲流水半詩情錢樹堂醅醑觀詩有山雲積復化大抵為流水

無懷葛天民宛在嘉應 流水底奇筆也 蠶蠶八面傳腰鼓盡破蒼蟲蟋蟀聲李秋

田光昭溫伊初調秋田詩如 腰鼓八面能破蒼蟲蟋蟀之聲

福慧雙修阮相公朱文正贈阮文達有 文章當代望衡嵩

論詩不俟張旗鼓風格微雪細雨中儀徵阮芸臺元 相國詩力除客氣其論詩有

取於微雲細雨之品

雄詞馳驟按東京瘦硬詩篇末座驚老向楞伽閒築室琴歌

載酒集羣英長洲王鉞夫芒孫

泣鬼驚神發浩歌有帆無恙若孫有布帆 南河歌與

揚州曲國體天心隱繫多勝 揚州若孫儲驛 若孫與客談事詩及揚州曲有關國體余

已錄入射  
鷹樓詩話

肇底雲烟寫渺溟無形直可役羣形

康侯論詩云超超萬詩象旁無形役羣形

家帳秘何人識被髮騎麟下紫清

陽春譚康侯敬昭被髮騎麒麟赤手縛長鯨所以

古真人飄然凌紫清康侯句也

科斗金壺落筆驚高歌六代走江聲

白華樓集風雨渡揚子江及舟中望金陵樓古

多寄燕山家世傳詩派

謂薩照磨墨浪飛騰萬丈鯨

閩縣薩植河玉衡

芷灣侗儻不凡才搖筆千花陣隊開袖裏詩篇湖上棹月明

又照大蘇來

嘉應宋芷灣湘月照大蘇來芷灣句也

洗盡鉛華妙論深前身白傅寄清吟中郎老去焦桐泣綠綺

孤停石上琴

侯官許畫山作屏

書畫溪山載一舟升沈得失付東流瀟湘蘭氣洞庭月都向

留春卷裏收

甯化伊墨卿秉綬月華洞庭水蘭氣瀟湘烟留春詩草句也

旬男才筆挾崑崙斫劍悲歌盡淚痕孤憤生前連死後空山

誰拜杜鵑魂

侯官謝旬男震旬男遭家不造憂愁拂鬱發於詩歌櫻桃軒集字字血淚

魚山才大二樵奇

嶺南羣雅葯房工書畫魚山以絕大之筆二樵以絕奇之才聯鑣并驅聽松廬詩話

葯房詩味餘於言

風味逃虛獨耐思

集名逃虛閣

湘水詩篇傳畫意帆情

秋色畫中詩

順德張葯房錦芳葯房湘水詩天地餘秋色帆檣入暮陰各句也

下筆蒼然生面開冰天萬里壯詩才文章氣節堅金石身世

邱山首重回

武進洪雅存亮吉雅存以史官越職言事戍回疆未幾賜環

身宮磨蝎困孤寒屯厄歌來乞食難百感煎成幽峭句首高

秋竹色春蘭

瑞金羅臺山有高

學海經神接石渠絳跼博綜似長蘆閒來餘事攤詩卷煙月

臨樽弔鷓鴣

閩縣陳葦仁師壽祺

汨汨詞源汝漢來五言眞足冠吟臺

船山以五言古五言律爲最

歌行窺

見三唐未壇坫難稱大將才

遂甯張船山問陶

江湖淚滿窮途後雨雪魂銷欲別時

覺生

聞說凌顏留健筆

秋墳聽唱鮑家詩

欽鮑登生桂星疾於顏延陳葦仁

鍾記室評明遠云驅邁先生贈覺生詩有參軍

健筆獨凌顏之句然其詩師法吳淡泉拘于格而筆少縱肆

青袍落魄走幽燕人海浮沈過眼烟

浮沈人海且住爲佳

少

作風華老排冪一山一水寄吟篇

陽湖劉芙初嗣綰詩分四十三集集各自小序自

敘

琴劍蕭蕭萬里游布衣威望儼公侯詩情淨似澄江練愧倒

胡釘張打油

會稽潘少白謔少白自謂生平作詩不學胡釘鉸張打油之淺率

學貫天人鏡九淵煙叶抱琴常傍綠陰眠渴來詩共秋俱瘦心

上秋多月亦憐

德清許周生宗彥心上秋多月亦憐周生句也周生博通墳典精三禮之學自經史詩

詞而外如小學算術天文醫方楚夾塵不涉獵尤深於詩古文

一錄蘭鯨刻萬牛

巢松少作蘭鯨錄才藻可觀

碧雞金馬麗無儔中年詩

境傳空谷翠褒天寒倚竹愁

吳縣吳巢松慈鶴以後詩境沈鬱幽練所謂益精

厭談風格分唐宋亦薄空疎語性靈

甘亭論詩句

恰似鸚鵡聲千鼓

吹任憑花外有人聽

鎮洋彭甘亭兆蓀我似疏鶯隨意啼花前不管有人聽

鬼亦求文詫異才

孟塗游浙有人候門述夢其父求劉先生作傳

遊山碑碣皆劉開

孟塗遊山見一古墓碑曰宋處士劉開之墓爲之怡然

襟懷曠似江湖曠載母龍眠杯

渡來

桐城劉孟塗開龍眠山有杯渡可供遊覽

手披雲漢挾天章瀨瀚詞源歎望洋自識詩中甘苦味不能

黯淡但飛揚

敘程春海恩渥飛揚而不能

春海自謂其詩險而未夷能

百千嘩鳥聽來頻

鳥聽百千嘩集中五字無心得句也

五字無心早入神妙手

鍊詩如鍊石前身可是補天人

福山鹿木公林松木公集以五言爲最其五字無心得

及五字有心得爲詩家妙悟見余射鷹樓詩話

珠光劍氣各專家

蘭雪謂洪雅存詩劍氣七分珠光三分已詩珠光五分劍氣三分

一集香

蘇豔綺霞我愛君詩清到骨滿身風雪拜梅花

東鄉吳蘭雪嵩梁滿身



風雪拜梅花

蘭雪句也

曲奏陽春獨鼓琴澹中風格靜中心霜鴻過盡長天碧肯把

絃徽覓賞音山陽潘四農德輿四農養一齋詩話論詩頗有見地霜鴻過盡海天青四農題唐人萬首絕

句詩也

范陸歐梅伯仲看老來詩筆又旌韓詩情華曜歸盤薄誰辨

珊瑚與木難鎮洋盛子履大士

詞場跋扈孰爭驅閱盡名山白盡鬢命世才華困簞口數升

涕淚哭唐衢婁縣姚春木椿

生來明月是前身詩思梅花不染塵妙趣停琴應不鼓蕭蕭

萬籟古無人蘄水陳秋舫沆秋舫簡學齋集五古五律弘崢肅瑟爲五字勝境

入聞五古最堅蒼振筆飛騰紙上昂近體偏多塗抹句凝粒

何事學鴉黃

寶山毛生甫嶽生

酒酣脫帽起高歌體物緣情寄慨多不聽落霞天上曲誰知

詩裏有春波

侯官李蘭屏彥彬

文章真脈接紅休

伊初古文詞入秦漢人之室源出呂覽尤與紅休侯爲近

往事論詩共

一舟

伊初庚戌試禮部報罷歸與余同舟有異聞錄記余與論經史詩文者

拈出和韓瘦峭語

苦吟東野亦低頭

廣東長樂溫伊初訓

璞礫兼收入網羅萬言倚馬患才多君家自有橫汾曲也學

邯鄲倚瑟歌

益陽湯海秋鵬

上迫風騷瞰李何

陳左海師評松寥詩上迫風騷下瞰何李

筆翻鸚鵡瀉黃河不

衣讒山房詩集卷七

共

知誰樹中原幟

亨甫謂余詩當樹幟中原

烟月銷沈可奈何

邵武建甯張亨甫際亮

橫空硬語壯嶢關海上歸來髮已斑

詠荃從臺灣歸詩筆愈蒼然已老態龍鍾矣

風誼生平師友重微之遺藁付香山

侯官家詠荃彥芬荃卒之前數月以詩稿

屬子商訂並屬付手民

五寸湘絃發郢騷鵲啼後嘯助揮毫白華樓外聽商徵夜雨

惓惓白二毛

鎮平黃香鑑釗

足踏星辰手策鼈倒山奇語入吟毫天吳不識相思筆獨向

滄溟洗眼高

南海倪秋槎濟遠天吳云云秋槎詩句也

河山感喟寫幽憂利病蒼生問九州掃盡人間脂粉氣亂頭

麤服也風流

邵陽魏默深源

撫今懷古筆雄奇才似船山骨勝之杯酒青天搔首問長歌

當哭不勝悲

吳縣張研孫儀祖

論詩誤墜野狐禪爲勸移商盡解絃鍊就丹砂乘鹿去盧敖

踪跡渺如烟

勸其浸滸大家詩成竟歸道山遺集七言古詩

追步盛唐

薔薇盟露誦清芬嶺表騷壇張一軍老去詩篇風化係莫將

真髓換巫雲

喬陽張子樹維屏子樹詩頗

擊筑狂歌碎唾壺奇才廉悍辟千夫

震旦論石甫詩有險巖爭一字廉悍辟千夫之

句離愁獨向靈修拜山鬼秋蘭寫畫圖

閩縣家石甫夢郊石甫好讀離騷常繪

山鬼佩蘭圖以自解

書荃兒詩卷

學詩如學畫意惟求其真學詩如學書風骨須磷磷萬卷讀  
破如有神世人欲斧杜文手祇恐杜家長鑱復驚人東坡有  
子萬事足斜川一集超羣倫爾父治經四十載窮愁仰屋搜  
皇墳餘事頗歷大雅羣孰與曾禦千人軍學詩須得詩中旨  
且把金針度與爾不願爾學徐凝號惡詩亦不願爾恃才空  
鬪靡詩到無人愛處工有如花未開時方爲美詩家妙詣幾  
人知願爾學爲吟詩兒

廬山謠寄懷江石楊隱士

廬山青青夜深淺欲眠未眠廬山遠上有摩天之翠巖下有

千年之碧蘚花不飄於春風葉不墜於秋天雲來捲入廬山  
去萬巖孤峭皆松烟邈廬山之崔嵬今天籟徘徊挂星斗於  
巖巖兮眇惆悵而雲開仙之人兮胡不歸來時隱士避寇吾閩

### 市價行

咸豐六年閩中省垣士農工賈通行鐵錢市價不平  
百物昂貴每鐵錢二十文抵銅錢一文閭閻疾苦作  
市價行

貧民如瘦羊商賈如餓虎長官如馮婦攘臂面如土老弱轉  
溝壑士儒罹網罟會城無兵革其禍若爲伍蠢蠢彼市儈勢  
若狎官府蒼生方待斃玉石焚俱苦我夢遊天閭民困向天

數天狗向我狂天魔向我舞我跪告天公百萬賒河鼓力拔  
惆轍魚哀矜出肺腑隻手挽銀河天公笑我腐許種仙人璧  
濟汝饑寒戶市價倘不平試以摩天斧

書晉書賈充傳後

百寮祖餞酒杯停日照征旗拂柳青納女賈充萌忠孽那知  
禍起夕陽亭

懷合肥徐易甫孝廉

子陵

三爻夢飲注義經載鬼張弧駭百靈老去徐陵悲作客新詩  
和遍竹西亭

易甫精宋易爲胡邨曉之  
亞詩筆雄渾有韓蘇勝境

題監利王子壽比部

柏心詩心

詩才北地骨開張敏捷雄篇出錦囊吟罷螺洲歸奉母家山

烽火感茫茫

子壽乙巳從京師賦螺洲吟歸奉母近以監利失守不知消息

種瓜圖爲邵循伯明府廷燮賦

君家仕與隱盡在出處際出則聞種棠處作種瓜計種瓜靜

待時種棠欣濟世君今獨種瓜挂冠門長閉不是貪高隱明

哲蘊智慧時平出種棠人望君所憩

召邵通

冰雪操題節母方太夫人節孝錄後

方太夫人歙王子槐侍郎名茂蔭祖母也侍郎幼承

大母太夫人教養成名寓書昌彝咏歌其事作冰雪

操



穆穆黃山高沄沄漸水碧皎皎古冰雪離離女貞實我儀節  
母賢堅心貫金石凶耗忽飛來肝腸如寸磔水漿不入口百  
死心莫易哀哀歿所天心血痛濺膝月黑山烏啼天寒孤子  
泣雙眼枯九泉千鈞繫一髮環跪來娣姒相勸有叔伯姑老  
子更幼母爲太激烈念此膝下兒呱呱僅數尺所賴母胥匡  
哺養勤朝夕節母念老姑再拜轉嗚咽教子就外傳課孫無  
虛隙自述長恨歌讀者皆股慄族黨稱母賢母聞懼且惕若  
節戒勵行成性勉荒植伏臘勤歲時節儉存愛惜大吏旌之  
朝節孝典所恤天不負母心謀孫成白璧彝鼎貢

大廷家聲垂竹帛煌煌經世才繫母教之切讀書識義理無

忝先人澤盡職毋躁進貴以虛心釋勿爲釣名譽貴以實政  
輯勿望爾金多取與慎出入萬古泉臺下可以慰魂魄母心  
共冰寒母節同雪白嗟哉冰雪操亮可載典籍

亡室周孺人遺鏡詞

孺人名蕊芬周蒼士師長女也年十九歸余捐館時  
年四十九生平辛苦營家多方教子卒之前數日以  
鏡示兒子曰此鏡三十年不離左右其謹藏之作遺  
鏡詞

蕭蕭遺掛黯妝臺卅載雙棲一夢哀天上人間傷永訣更無  
形影鏡中來

西風落葉錦衾單從此無人共歲寒寂寞夜臺逢子婦可能

羞饌又承歡

去歲喪一長媳

薪米焦勞困不勝可憐病骨太峻嶒生平心血彌留見一點

丹忱化一燈

孺人躬修婦道近以薪米昂貴家計焦勞心血竭矣臨終時見臍中一燈熒熒遂去世

十年南北苦奔馳

余八上公車十年奔走南北

家計糟糠累汝持典盡裙

釵操井臼濟人猶記縫衣時

余立黃生樹以寒衣濟人孺人每補破衣增之

淹淹病瘡幸蠶安

余庚子從京師歸沾瘡疾孺人供藥餌萬百日夜帶不解病愈經月又束裝就道

里征塵復整鞍未了科名空負爾茹艱願伴讀書官

旦晝焚香又日斜病中徐淑憶秦嘉

孺人體羸弱多病余辛亥計偕留京師三載適

粵氛不靖孺人屬兒子晨夕禱天以祈無恙

天涯風信傳來誤目斷燕韓愴暮笳

余癸丑出京至涪州被圍城中孺人聞道途頓塞未得前耗幾不欲生

明星戒旦兩知心勤儉營家補女箴教子能嚴方愛子兒曹應解受恩深

願修清俸守寒飢三黨交推汝獨賢慧語解頤猶在耳未知

俸滿待何年

余引粵東人語謂孺人曰貧者乃享上帝所頒之清俸孺人答曰特未知俸滿何年耳語竟與

前人合

鴛鴦回首記高歌月慘雲愁奈爾何今日鴛鴦驚折翼披罔

淒絕淚痕多

道光丁亥孺人來歸友人賦七言律鴛鴦曲三十章並繪圖以贈

鰥魚不寐夜增長對鏡何堪兩鬢霜腸斷牀前臨別語呼兒

勸我莫悲傷

臨終之日呼諸兒至牀前曰吾病亟矣勸汝父勿過悲傷吾瞑日矣余撰楹帖挽之云營家訓

子有內心圖勤勵儉有深心飲甘茹苦有貞心挈領提綱伴  
我較五萬卷書詩方期仕隱一官與偕白首伯叔妯娌無譖  
言荆釵褰布無怨言炎涼冷煖無妬言抱癡守默  
痛爾操三十年井臼竟至焦勞百脉終斷青絃

### 爲長兒慶炳娶繼室

未見而姑面聞賢汝亦思願修佳婦職稍慰老翁悲魚菽厨  
前事蘋蘩膺下儀冲和徵福命明歲抱孫宜

糟糠婦謠

友人勸余納妾作糟糠婦謠以答之

眾星光在天不若月當戶諸妾雖云美不若糟糠婦

一觴一詠圖爲家石生

爾沆題

飲酒未遇酒盤古談詩不逢詩葛天飲酒談詩皆降格詠觴

聊學永和年

對月憶亡室周孺人

銀漢無聲月出庚錦衾回首淚縱橫莫聽花上盈盈曲幾見

人間死復生

花上盈盈曲見徐堅初學記引吳苑聶包事

雪夜懷妻弟少紱孝廉京師

麟章

罡風來黃曾吹萬聲凜烈禽鳥盡飛翻蹄嗽恣奔蹶開窗白

漏衣瑟瑟硯冰冽昌黎陸渾詩誦之心中熱北地愈嚴寒盼

汝無衣別我愧邢子才有懷李季節

李季節爲邢邵妻弟才士也見北史

古從軍詩寄炯甫親家

漢魏苦邊患始作從軍行從軍有苦樂往往重閨情窮邊風  
雨昏伏兵暗相失欲寄征人衣寒沙何處覓漠漠飛黃雲鼎

鼎成白骨所以孫吳書王者不忍讀

悼孫女基官

性智慧七齡中暑毒暴殤

憶汝呼祖聲縱橫眼淚盈死生雖有命鬼蜮太無情

時方酷暑悶山

居宅涼棚爲同室許某所微暑熱迫人中暑毒暴殤寸寸腸應斷做做心不平夜臺逢

汝母好向此冤鳴

前歲失母

釣竿篇贈大麥谿漁者

漁翁家住雙溪曲三間東倒西傾屋夫妻何者是生涯釣竿

砍盡溪濱竹釣綸垂出野蠶絲百金之魚翁張之停船水岸

楊花簇磯邊淨掃莓苔綠

百金張魚見公羊傳

建甯梁山謁唐刺史祠

梨山在建甯府東北十五里唐刺史李頻雅好此山  
若有梨嶽詩集卒後郡人立廟其下宋郡守盧幹爲  
立碑與浦城之梨嶺相去遠甚且建甯有梨山無梨  
嶺若梨嶺在浦城北八十里有塘上祀五顯故又名  
五顯嶺吾鄉謝旬男陳恭甫兩先生梨嶺謁李建州  
詩皆誤以梨山爲梨嶺而李蘭卿觀察梨嶺五顯廟  
楹帖云民知太守本詩人皆以梨嶺爲梨山矣王阮  
亭池北偶談有記李頻事蹟而於梨山梨嶺則未及  
之越麓詩話以三眼之五顯爲李頻尤爲荒謬余  
攝建郡學篆得讀盧幹碑文因爲辨正並系以詩

刺史荒祠建水陰詩篇哀怨有騷音

有梨嶺詩集

梨山今識非梨

嶺盧幹殘碑抵萬金

### 郡齋課荃兒口占

爲貧方筮仕仕復帶貧來松不經霜折梅還冒雪開家僮先  
我睡門吏倩人催把卷教兒讀松根倚幾回



郡丞謹步 大人元韻

慶荃

寂寂幽室裏何人載酒來啟窗招月入倚樹索梅開墨凍

呵冰釋書訛被客催鐘聲天半落詩夢偶然間

偶閱畢秋帆尚書詩卷

讀書匯遠流愛才開廣廈君本牽牛星遊戲人間者見翼明私編

萬里覆長裘求之古亦寡襟懷千頃波不獨持風雅

夢蛇謠

已未四月十三夜恍夢羣蛇盤學舍兩蛇人面作人言四蛇人面松根下我揮長劍欲斬之忽然夢醒生疑訝翌日有客來叩門夢中貌似相驚怕翌日來謁說與夢中蛇似異之陰睽

陰險慘覷人夢耶非耶真耶假含沙鬼蜮暗射影妖由人興  
販禍嫁汝蛇蝮蝮毒且愚汝蛇轉瞬還天誅

拜練氏夫人墓下

夫人爲閩王太傅章某妻墓在建甯府署

車騎南唐動地譁飛還旗箭靜鯨牙閨中大有掀天業保障  
全閩十萬家

曉夢羅浮圖爲會稽程秋霞題

梅花萬樹清欲語高人夢入羅浮去一寸詩量五百峯詩情  
都在雲深處高人骨格如冰玉走遍風塵仍不俗傳家清白  
有箕裘歲寒花是荒年粟

子官江蘇知府

孫女基官化去經年感作

曇花一現忽摧殘憶汝形聲擺脫難七載人間遊戲去傷心  
老淚未曾乾

憎鼠

穀穀爭跳梁拖書復偷粟安得唐公房誅汝畫地獄

重陽日有感

時荃兒病劇初愈

蛺蝶階前歲月長靜觀物候變陰陽糕題秀白時無負

九月為秀

白節見易緯乾鑿度

酒送神丹喜欲狂

時門士以神丹酒送荃兒

攝屐當年淹鳥跡

染衣幾度憶天香

辛丑重九登大妙山甲辰重九登泰山乙巳登五台山丁未鼓山乙卯熙春山丁巳

釣龍台

關心沆瀣樵川士令我神棲李相鄉

謂邵武李忠定公

重陽日感作恭和

大人原韻

時病初愈

慶荃

侍坐傳杯笑語長  
將酩酊話重陽病能勿藥慈何有

不登高興亦狂倚  
偏愛看松翠滴隔牆聲領桂花香  
後園佳樹

盛開全家都向雲山  
發插徧茱萸總異鄉

喜邵郡門士張金繡葛臺山朱鼎臣至

蕉鹿方癡夢門生忽叩門  
令吾悲喜集幸汝亂離存  
邵郡兩經西賊

擾害縷話他鄉苦深談大海寬  
金繡父名劍輝為鄉兵所殺  
梅花官舍發寒

夜命清樽

寓言四首  
作於建邵學舍

蜉蝣爾何物撼樹亦無奈  
不識天地寬但覺夜郎大

羣犬來乞憐我便投之骨  
喫骨反噬人猙獰笑汝獗

尋我首荷香營蠅來何處尋香爾自來尋臭爾自去

射影蛾含沙掛冠避鼠輩安得縛鷄人杖汝土豪背

縛鷄事見商啟

集

建州門士滕茂才湘父子饑于於光孝寺口占

窟宅煙霞地都無車馬勞鴉從雲腳起鷗向酒邊高世態黃

金熱吾儕白眼豪明朝各分手努力勉青袍

附錄荃兒呈作

慶荃

出郭四五里扁舟渡水濤老僧迎客話古樹抱雲森

寺在松樹

大三十圍爲吾

香靜參禪悅鐘圓養道心故人載豚酒款

款見情深

將歸福州作雌雉引

雌雉飛去山梁間別有天地清且閒黃鵠之飛以千里海天  
日暮何時還不如雌雉守岑寂山青水渌非人寰時哉時哉  
不可失色斯舉矣波廻環古有避世人抗志煙霞灣散髮鳴  
琴非所盼流泉三復居空山

下灘謠

萬石呀呀舟一點千灘巉巉風波閃腹中劍戟袖裏刀世間  
莫若人心險

旋里朱櫻船叅軍三次相訪出其詩稿屬箋訓以長句  
朱侯眼底生明珠直覩天窟窮方壺竭來手挽金僕姑能射

詩妖穿野狐調我詩入浣花途僞體妍媚非吾徒朱侯風雅  
大雅扶腕下飛出三王符胸吞夢澤吸具區手搥黃鶴羣鳬  
趨森巖壁壘誰爭驅入林把臂朱與吳倚天長劍拂斗樞鍾  
譚爲隸袁趙奴能能江北來神駒汪汪氣度千頃湖世人歌  
詠同吹竽朱侯一見三長吁朱侯詩筆大治鑪萬花飛舞千  
璠璣山川能說手能圖畫本直與三王俱高誼竟逼雲天孤  
胸次廣博侔大蘇邇來海內憂萑苻與我擊筑歌嗚嗚欲效  
終軍共棄繻投筆從戎感壯夫憐我毛羽尚在波惜我身世  
仍菰蘆俗子興謗竟我誣朱侯朱侯當代無對爾如飲仙醪

酬

彭賓南縣尉招飲卽席賦訓

用見贈元韻

君才鋪錦織龍梭手握壺觥口放歌元禮真能容北海趙達

可否並東坡

趙達慕東坡自號小東坡見宋史

猪肝贈我知音寡蟲臂觀人

閱世多自笑蓬頭垂亂髮貪吟佳句法如何

### 答友問

四面張弧奈彼何

禍興李子四面張弧語見建郡城隍降陳宅叩

含沙鬼蜮伏江河

上階粉蝶頑童撲

余攝郡學歲僅一年

入座青蠅弔客多怪事無勞呵

壁間坦懷不作碎盪歌梅花風骨吾家物獨向寒泉薦菊過

題微帶詩草

六合徐太守著

鴛鴦繡出自分明執紙千花洗筆成開府去吳方避亂冬郎



宦越未知名平川煙月攜囊弔瘴海波濤挾卷鳴經術趙張  
餘事在巴田耘鼓亦詩情

自題倚欄圖

滿天妖霧障層巒鼓角聲中倚畫欄恨煞陸楊真誤國江山  
如此等閒看

規溪夢隱圖爲西江黃南樵廣文題

往日所歷境今日思之慟今日所歷境異日思之痛擾擾人  
間世居然夢中夢舟車苦勞生乾坤此一甕黃子不世才規  
谿隱飢鳳避寇走齊楚南北青山送馳馬海上來

孫樵之快  
觴曰馳馬

破浪鞭飛鞚家山假寐歸曠眩接瀕洞

題嚴山人詩卷

詩派何來拂水輕

處山詩詩極詆

聞人原不善爲名

葉文忠

不善爲名以閩士

眼中能建雄旗鼓矣患輸攻七里城

風雅西甌鄭與孫

鄭善夫孫學稼皆閩中詩人之許 鐵藍公

丁雁雙趙白

有淵源邇來詩伯多于鯽不讓梅邨况宛邨

虞山亦院

宛邨

海內風騷襍僞真閩川壇坫豈無人江山平遠看詩卷肯步

錢塘以後塵

近詩人多服膺簡益山詩無貴簡益習氣

痛哭唐衢尙草萊世人幾輩解憐才干戈滿地詩書賤吟到

君詩斫劍哀

集中感懷歌極爲憤懣再修字句不嫌其露也

紀恩詩一百十四韻爲長沙徐笏亭先生賦

徐壽蘅少司馬督學閩中其大父笏亭先生于咸豐  
十年蒙萬壽恩賞重閣錫羨匾額及玉如意一文  
綺四襲少司馬誦賦詩以道盛事

中天復旦哥軒鬢黃人羣日徠樽棗瓊朧璣運層杜所如山  
聖壽追從垂威威轉轉心纓筵萬八千歲承衣裳含元玉斗  
五雲祥煢興紫海呼陵田風簫命驛歛八荒帝繫錫麟趨  
孔彰棖維弗麓瞻純常臚歡霽瑞偈无疆鼓停九穹羣生臧  
示被六幕耆葛乘四皓八公同踰踰又容三老游上庠  
仁單屋成勾長偃僂舍獻萬祀樞天開壽鏡照湖湘老人星

耀南衡秀生申維嶽大麓張五福史極容維皇期頤震祉湛  
露懷天章雲漢紛交相指揮如意作琮璜彤纁璣組煇東廂  
綰綽縻曷日月煌橘洲角鯉來洋洋東飲泰岱丈人觴酌釣  
瞿耆益壽鱗北枕宿岳長命牀南種湘山千祺樟兒齒扶杖  
髮毳毳門戶忠孝承紀綱嶺南治績隋淮陽澤流百世弓裘  
良繩繩順孫名直揚翩翩雅子風矩芳陵雲高下森修篁威  
卿閭里九穀薌芥道人倫瑞雪雱五畝之宮環篋管煥蒿霜  
露絜烝嘗髦髦綯綯慨而懷大正車杖斲回翔馬援亟戒傳  
家稍季才故舊親劬勸器服儉縈如季襄九州利病詢之詳  
三角八綬窮周商陂詩臬里相頡頏鍼黹落紙皆軒印珠鈴

杜握摧螳蝦戎旃不慮萑苻猖句陣壁壘堅城隍弑賊三略  
豹駭匪从竈上騷除一方蕭轡九十書禮堂韓嬰曰蠶賤鮓  
鱗鄒駟九九勘長楊惠公百年釋蒼筤干羊圖獻什邡湯百  
蝠綾繪菰蘆王駱統訓子先明敷王忱課孫成圭璋一躍十  
步生驕驕希班之珤輝奇礪桓榮續學衫棟梁暫充詩禮遜  
金閭孫謀丹穴蜚鳳翥演孕伊顏福泱泱球琳再璣齋席塵  
承明筵羽紉蔥珩鼓曙碧澣金鱗鱗綜擊六執揅綴綳精準  
湧喜與凡將把觴浹長登遶旒尉津并醪通三倉平持玉尺  
人才輩齊茂植木淩昇蒼文成蠹蠹驚琳琅聚沙而雨多士  
獲羣倫甄灑呂公襲漢宋之學名以倡屏其繁悅挹酒瀝翟

甬鑄土拓千張興簪菜萬人彊庾粲寮士羅門牆賈淑窮  
經徠于麗冀北一顧收駿韁桃花紫燕皆騰驤程其概錄揚  
批秉笏滋神灑勺天漿惠舉門下鵬鵠跡泰閭持鑒士林望  
洗金呂鹽渾生鉞五經鼓飲聆笙簫備徹周海披星章說詩  
解頤日下匡藁摺帛妙斟毛萇句吞雲茹千頃汪手擘藝鬱  
鞭礪硯耐紹家學培澗潢高蹠步景神駒躡梨黎教耆興大  
朵明惠所積天祚償澡練元氣縣餘慶邦家柱石如山薑徵  
招角招至音哩赤帑炳炳簾趨趙巴里之曲粵人僮羣言芹  
藻徒慙惶晉祝金印五世昌詹玉闕明角亢

避暑道山題壁

西園城郭此亭亭入畫雲山列翠屏江樹遙連鴉背綠蠻煙

直接虎門青撫時叔寶愁難遣舊事元暉夢有靈戊午之冬在建州學

舍夢築室于道山天上人間涼熱異高寒北望紫微星聖暉時在熱河

道山題壁呈和 大人作 慶堃

十年回首不堪思掃石磨苔憶昔時鐘梵半空仙羽下江

城五月荔支肥虎門天遠雲垂闊烏石山高日落遲買櫓

明朝還就道高堂歲月苦分離時為人作嫁初歸里門旋即東裝就道

賓南縣尉以閨房僧轆菊禪房美人蕉索賦

買來秋色醉千觚遲汝清高伴少夫周少夫女史也以沙枕側菊得伯見類怨

夢回聲隻履畫簾人澹捻雙趺闌干拂影如梯月元人吟詠詩踏梯看

月僧閣閣圍香恐化鳧陶後南邨知己少瘦生何藉美人扶

閨房僧  
戰菊

卸卻蓑裳結碧繒禪房深處亦何憎休施螺黛頰秦佛獨抱  
丹心可伴僧扇綠無言閑面壁含朱獨立此傳燈翠旌偶墜  
維摩室雨打風翻總不能

禪房美人蕉

### 秋懷寄靖塵子

哀蟬落葉不堪聞塵劫催人  
到夜分秋色西來千點雁斜陽  
南望萬山雲應劉鄴下爭驅  
久崔孟隆中結契殷漱石枕流  
高隱去解嘲誰撰北山文

倚石哦松圖爲順德陳朗川山人

熙昌賦



衣譚山房詩集卷七

三

山深斷人跡雲白封樵徑高吟襍飛泉松風靜相應幽人松下來寂寂倚石磴恐是焦曠仙詩境禪心證夕光嵐霧霏日色松杉暝豈惟萬慮空兼以七絃定濤聲在筆端披圖試一聽把臂掛瓢翁悠然發幽興

莫

學文莫學桐城派交友莫交口口人皮徒存者骨不使防其險者留吾真

觀兒童放紙鳶

高下任人爲巔落伊誰咎此事本擎天竟付童兒手

衣隱山房詩集卷八

侯官林昌彝薌谿

古今體

游粵近作

渡海

壬戌正月元旦到粵

樓檻排山鬼島開  
白頭今詣粵王臺  
射鴈詩話平夷志  
載汝輪船渡海來

倪容癯少尹

鴻

渡江來訪並出小清閣閣詩商訂

余時寓河

南

亦是詩豪亦酒豪  
詩情高並酒星高  
蒼梧曲奏長天碧

集中蒼梧

詩極佳

環佩無聲花滿臯

雲山入畫掃蒼苔清閱家風本俊才笑向囊中問青兕  
載酒渡江來

正月十七日倪少尹招祝其遠祖雲林先生生日

雲初曠代思聲欬乾坤清節歸清閱無量壽爲詩境地白石

清泉高士致十萬畫圖見精意

如萬山蜀道萬里長風萬一  
家煙火之類十卷十幅

癖心香蕪夢寐五千里外擔酒至梅花介壽君勿棄

聽鷄曲

時被先母吳太安人一燈  
課讀圖索友人題有感

鷄鳴喔喔復喈喈此聲不似人間來使我殘夢碎斷如落梅  
五夜鷄聲入吾耳猶記阿母書窗催早起一聲唱破天鴻濛  
頓令白髮成兒童後天春影先天同落花護耳在鷄聲中春光

如海春聲如雷春氣煦物皆嬰孩安得年年角聽此喔喔  
喈喈哉此聲不似人間來

鄧蔭泉中翰大林招飲杏林莊題壁間五首

杏邨綠一天坐榻涼如許白日捲秋心人間不知暑忽來細

雨聲瀟瀟萬葉語醉灑墨數升脫帽邀詩侶

蕉亭

流水又一邨林泉枕山足脩竹浮深翠瞥見兩三屋玉潤上

闌干映我衣皆綠琴亭白樂天茶鐫蘇玉局

竹亭

有色春何來無色春何處小閣曰藏春愛收春長駐三月春

思歸莫放春歸去桃花紅倚門未許窺簾妬

藏春閣

藥欄飛杏花丹竈鍊鉛汞空山採藥來又見神仙董肘後出

良方瑤草呼龍種玉杵搗元霜似有真妃捧

丹竈

綠陰翠上亭繪出雲林境停琴在石牀靜領池邊景荷喧疑

雨來一鏡紅蘸影水聲到耳徐花氣入簾永

水榭

香山馮寶參都閫招游花埭

鏡裏詩天喚酒闌萬花如海擁雕欄一雙燕子梁間語似話

春深正病寒

廣州是春嚴寒

南海桂皓庭孝廉

文燦

招飲紅棉寺

嶺南名士鯽魚多動酌高臺一放歌異地聞笳心益壯

時高州

暮年看劍手空摩隆中不解無諸葛海上真愁少伏波對

酒談兵空席帽仙城鬼島滿煙蘿

陳蘭浦 澧譚玉生 瑩 二廣文招飲學海堂

粵中蔚人文經師盛五管故友雅招邀脫帽吹玉瑄

時蘭浦以所製

律管遞吹均合宮羽

諸君森琅玕馨香肅圭瓚

並祝阮文達公生辰

玉若春山明

客如秋水滿譚生出異書捧誦再手盥

玉生廣文出異書見借

問我何

處來海上羣鷗伴頭戴不縶冠囊貯清涼散小住河之南明

口方舍館

余初到粵暫寓河南

移居城西寓館杜鵑花盛開寵以長句

奇葩如火照熒熒二月殷紅葩一亭纏錦麗于紅線妾催花  
愁舞紫雲伶遠天幾訝流星落遙夜無勞秉燭經讀到少陵  
秦嶺句前身血淚不堪聆

鄭小谷比部

獻甫

招飲三元宮並惠詩文集及鷄酒猪

鴨口占三首奉謝

時比部掌教廣州粵華書院

詩婢牛牆話舊聞十年心折鄭康君

康成亦稱康君見高異志不其山碑文

方把臂真何幸飫讀郎鄉駿無文

鄭上駁許未重五經異義書使見于山堂肆考

不事濃粧不鬪奇不彈俗調足多師藐姑結束非凡艷欲侍

仙班學畫眉

已嘗公瑾鷄兼酒又嚮東坡鴨與猪却笑老饕深醉倒馨香

時挂齒牙餘

識字耕夫圖為象州鄭小谷比部題

禹貢九州一千七百一川水九百九十九川流入識字耕夫

之毫端毫端萬錦雲霞捲昆侖擲筆星辰寒六丁奔走神鬼  
哭仙妃捧硯來騷壇侍閭王簿亦問字經渠滄海迴狂瀾耕  
夫能讀八會靈書之隱語耕夫本是校書紫府之仙官偶披  
蓑衣叩牛角關心辛苦盤中餐四千里外來把臂愛我不翅  
青琅玕贈我白麟朱鴈曲千花飛舞香秋蘭蛾眉淡掃見本  
色藐姑高戴詩人冠旣醉蘇公猪與鳴再吟韓筆鳳和鸞旣  
德厨又文章李杜詩班馬倒語相贈成奇觀我謂耕夫祇識  
贈佳什六箇字能讀能耕秉心忠孝辨義利

題蕭尺木雪雁呼兒圖

圖爲徐氏所歷

朔氣橫空冷羽衣雪花如掌舞霏霏天涯我亦無家客萬里



關山挾子飛

荃兒从余到粵

珠江夜游圖爲容癯少尹賦

二分明月新飛采不在揚州在珠海  
珠海今宵月休愁才人攜月金波游  
星河耿耿不知夜素影迢迢如許秋  
冰輪不費一錢買照遍妖姬畫裏舟  
舟頭度曲停歌喉舟中落筆傳詩籌  
詩籌散作珊瑚鈎江間驚醒千鷺鷥  
東船西舫白如畫蕩漾仙家十二樓  
我欲夜游思秉燭祇愁眼裏無紅玉

徐子遠茂才

瀨

招飲箋經花室

樽酒招邀話素心枳籬花榭晝陰陰  
長箋浚長功臣在又見

江南徐楚金

茂才深訓誥之學近注說文

獵歸縱飲圖爲遂溪陳一山孝廉

桂林賦

我昔嘗繪射鷹驅狼圖腰間橫挂金僕姑書生好事胡爲乎  
歸來割鮮命醕醉倒紅氍毹世人笑我荒田獵至今鷹狼遍  
地鷹無人射狼亦無人驅道傍下馬攬君袂見君揚眉懸瑠  
弧把臂爲君立斯須韝來隼眼將虎鬚英英羣從如鳬趨  
黑鴟肉倒金壺飲黃虜血傾銀觚十人大醉十人呼此樂當  
爲天下無對酒不用歌烏烏籲天快事眞吾徒深喜吾道今  
不孤明日相約持銅符收復海上千萑苻

書嶺南倪秋槎

濟遠

遺集後

陳元

翁梁藥二

後詩家大冶鑪遇窮天地窄才大友朋

孝

山

亭

黎

樵

孤奇句鑄金版清心比玉壺良宵烹茗讀箇裏有真吾

愚衷三首

粵匪不靖十有二載未克消滅可勝浩嘆獻愚衷

鴻鈞轉上帝六合爲一身良由日月徧不獨風雷喧計陳無

貴賤道合無疎親芻靈尊祀陞風雲哭潤辛

辛萃通借

欲拔長鯨牙須是摩天手虎山藿不采龍淵威蓄久軒軍腹

四溟周戎詰九有安有涉長河舟敗篙楫朽

重典辟止辟古人不我欺豈其叔葉世反勝虞周時懲桀須

斷腕理亂先斬絲但明大理星何畏蚩尤旗

題曲江許九霞大令

炳章畫冊

許侯挂冠後精究詩畫源畫理倪雲林詩情虞道園  
以秋爲畫本秋與畫爭奇萬巖萬仞石量之一寸詩  
水外滿秋煙靜看江如練山色拜向人蒼蒼秋一片

讀何子貞師東洲草堂詩

文如鸞鸞詩如虎染翰直驅萬雷斧長句上迫浣花翁論事  
不數陳同甫騎麟散髮下大荒瀟湘雲夢一口吞鄉邦遠跨  
懷麓老此筆真足探天根

胸次廣博天所開萬花飛舞毫端來蒲牢夜吼渾鐙起大呂  
應鍾入箇裏羌城笛與漁陽撾劉昆禰衡今未死洞庭岳陽  
吾師里高招黃鶴聽宮徵

張南山太守珠海老漁唱霞圖遺照爲其門人陳奎垣

起榮  
山人題

響邊行雲綽板停前身原是少微星而今老向煙霞去猶聽

歌聲滿楚庭

六國時廣州屬楚廣州  
記五羊銜穀萃於楚庭

珠光繞腕寫紅綾張碩人間喚不謾檢點名山遺集在江

傳火有陳昇

南山遺集均  
存奎垣家

廣州採風襍感八首

銀浪掀天走光怪渡海東來舟如芥南交地耀南極星閩

山河分兩戒海中我覓碧珊瑚不求七寶造化醺

爲採詩  
來粵

陸買黃金入囊橐五管視爲黃金壑僞劉海上置媚川採

得寶求財樂嗷嗷雁戶無稻梁何不散作千家糧

包藏禍心英吉利七萬里外輪船至互市高樓鬼島連挾山

奇貨通天智洋煙流毒劇堪哀茶

茶葉大黃

曷換洋米來

茶葉大黃

專換洋米不換奇貨爲上上策

木魚歌唱纏綿玉珠海波驚念奴曲念奴一曲錦如雲畫舫

關紅江鬪綠孔雀船是埋金窠

昔珠江船有輯孔雀毛作舫者

勸君慎莫三

婆娑

學海堂開文瀾峙經生詞客蒸蒸起樸學許鄭詩曹劉士習

日趨尙書履

調阮芸臺先生

民風毋乃尙澆漓重倚吏泊相維持

高固陳

陳董正羅威

與楊

楊孚

王

王範

黃張八士名聲揚京

張買

周以後屈指數陳隋之世人才良風節匪躬誰蹇蹇千秋我

儀兩文獻張崔兩文獻

歐伯黎瑞石梁蘭汀廊若皆詩伯屈翁陳元黎二倪秋尤巨

肇宋正馮山二張逃虛亦稱豪亡友太真今正則溫經

雙塔穆靈光會會林兩兩爭馨香二君皆有遺稿

羊城無地容流客五仙遍訪難蹤迹啾啾鬼據趙佗城營營

蠅滿虞翻宅偽臣竊帝皆非真英雄吾拜洗夫人

夕陽

橘柚人煙驛路長桑榆日暮望家鄉瀟瀟腸斷吳孃曲黯黯

魂銷趙女裝墟里幾家鳴杵碓岩阿到處下牛羊水清花落

成今古客邸愁心逐雁忙

盈允縣廨感作柬朱小封明府

鉅成

並酬歐陽子芳茂

才積潤

黃鵠游八紘臨風惜毛羽吾生道義交文章銘肺腑擔簦來

嶺南採詩詣鄒魯

新會爲陳白沙故里亦號海濱鄒魯如吾聞者

使君雅招邀意氣

雲龍舞

聶君招校試卷

海底搜木難良工獨心苦

新會童卷多至四千每場搜落卷夜

不假寐論文鍼芥投深情照千古自謂無他腸肝膈顯如覩飛

到座間蠅遽化李義甫適從何處來營營汝可數使君雅招

邀授我摩天斧懸鏡走魑魅落筆翻鸚鵡文陣若兵機禮義

儼千櫓孫嵩識趙岐杜陵依嚴武匆匆黯然別似割伸山股



不計上房言集卷八  
天涯若咫尺知音在鄰戶晨風常南飛書札勞旁午

附錄歐陽子芳和贈

東閣開瓊筵翦燭觴飛羽末座聆塵談清言洗臟腑愧我  
學術疎不識魚與魯先生天上來滿堂皆鼓舞既荷色宰  
明又得良工苦幕中杜溫夫居今不稽古夏蟲語春冰坐  
井天難睹公本嶽降神堂堂羨申甫著作達宸聰餘子  
安比數我師深愛才持柄親授斧恐露文陣機前頭有鵠  
鵠珍重採珊瑚相望如樓櫓論文卽論兵奇秘滿孫武座  
中有營囂貪饗幾折股賴公相主持歡聲溢蓬戶樽酒難  
爲酬快談月當午

秋城夜角圖爲汪美生山人

瓊題 粵匪圍韶州君在城中十閱月解圍

約此

圖

狼星夜墮曲江水明月無光鼓鼙死曲江城頭角聲起圍城  
危似劫棋耳愁雲嚇倒談兵婢千邨狼狽愁雲裏滾滾黃靈  
哭萬鬼茫茫四野突萬豕蠟丸蟻附渡木梯鐵礮轟天旗旄  
旋城中乃有墨翟子北門鎖鑰浮邱比顧榮羽扇城頭指焦  
斗蕭蕭暮雪紫甲兵百萬胸中壘裏糧無須煮弩鎧千騎驚  
回一隻矢萬軍散去一張紙檀道濟籌妙若彼劉越石笳神  
若此書生忽出公超市保城又見汪天咫凱聲入角聞萬里  
掃盡鯢鯨大地喜桴鼓之闐排詩几大醉營前看倒履請詢

退敵有何理韜鈴在握而已矣

題歐陽文忠畫像二首

鬚眉畫裏見精神一代宗師重鳳麟  
不遇辨冤來趙槩一生大節付灰塵

瀧岡葬母一還鄉老去田園樂  
潁昌忘却松楸弄山水終身

未雨到瀧岡

都穆聽雨紀談言之甚悉

書晉荀勗傳

賈充納女以壬辰劉曜竊帝以丙子相去四十五年間姦臣孽婦紛紛起

家午峯封翁

岳光

春暮招飲海幢寺席間賦江瑤柱有

憶家鄉風味

食譜羅鮮美閩鄉蟹蛤饒異名搜海月珍具數江珧斫玉膚  
偏脆生珠腹不楊刀曾資飾秘弓更稱藏昭價想珊瑚鬻紋  
添璫瑁雕張基星歷歷掛席水迢迢此品專宜柱於文合辨  
瑤楊妃花粲舌激女雪吹潮鮓白宜同洗鰕青待共調肉牙  
圓細擘角帶輭徐挑被體初呈紺搔頭儼映翹漿兼離蚌剖  
湯倩異鷄澆風味儲盈寸氷銜領一條靈淵封大國流碧秩  
清僚荔子方垂實蘆芽未破苗老饕思馬頰斗酒喜相招

番禺金芭堂孝廉

錫齡

來訪與談周易參同契及內經

素問有合成四十字

郢和竟有侶鍾絃不費尋領妙毋須眾冽泉虛自斟微風動  
孤籟淡月生遙岑咫尺無能共休勞猿鳥音

寒瘦辱

溷跡屠沽不若寒瘦作寒瘦辱

澆胸無古人其人屠沽俗促膝無今人其人寒瘦辱屠沽享  
高名寒瘦多飢死與其古人親毋甯今人比我愛今人甚古  
人今人棄我如灰塵貧窮有命長如此搖尾乞憐空復爾  
嗟乎與其屠沽俗毋甯寒瘦辱

獨立蒼茫自詠詩圖爲蘊筱泉璣刺史題

非非想入赫胥前搔首得句來問天俛仰一笑三千年其行

踽踽其脰肩肩目中但見渺莽之雲煙一囊以外祇六合口裏喃喃風颯颯天籟空中互相答

王觀察

過訪惴惴殷勤近與王都轉

商刻姓

著三禮通釋感成四律

深巷蓬門掩薜蘿金環壓轡見頻過襟懷朗若三秋月氣度  
汪然萬頃波聞海黍棠思憩稅粵天桑榆聽謳歌他時霖雨  
東南遍知有蒼生載澤多

十年相識尙嫌遲樽酒論文憶昔時

觀察與劉炯甫刺史爲  
擊交彛識觀察于刺史

座間回首故人成久別

謂炯甫

關心舊雨每相思

觀察詢及炯甫  
近况惓惓不忘

交逢簞笠情何摯集勘江湖遇亦奇

觀察近與王都轉商  
刻彛所著三禮通釋

一書難得雲天高誼重此生心血有相知觀察謂三禮爲彞牛  
生心血所萃不可涯  
沒議雖中寢  
意可感也

飄零身世嘆無成自笑儒冠誤此生四海何人似賓石暮年  
多難話臺卿雲泥何幸聯膠漆風月居然見性情一畝硯田  
三寸管羣公傾蓋愧虛名

萬里征塵兩鬢秋茫茫天地一浮鷗遭逢幾輩能青眼故舊  
于今盡白頭歲晚難禁霜露重饑驅總爲稻粱謀仙城牢落  
餘知己異地重披白傅裘

竹深荷淨圖爲蘊篠泉刺史題

竹色上梢簷荷風吹衣帶蒼蒼望紫紆亭亭絕塵隘魚戲田

田葉鳥和瀟瀟蘋知心有三三幽賞在人外偶然雅招邀把酒話鱸膾

鄭小谷比部再招飲粵秀山卽席感懷

海國煙深落日遲干戈滿地角聲悲茫茫歲月掩書尺歷歷山川入鬢絲怕聽黃鷄催白日獨憐丹鷲失金枝非潛非現吾何補不及遲清鄭繼之

鄭繼之隱遲清亭

風災行

同治元年壬戌七月朔日有風自東南而至西北釀成颶颶城內外大木盡拔牆屋多傾折壓死甚衆江上大小船隻傾覆者十之七番禺順德香山東莞尤



甚淹斃約十八萬人有奇天災流行殊可駭異詩以

紀之

和作四十餘  
人均別錄

壬戌之秋七月朔海立山搖起羊角白日無光雷電死吹折  
地維風力惡沙翻石走神鬼愁大木盡拔江倒流萬瓦崩頽  
若雨雹飄檣飛舞羊城頭舳艫銜尾紛紛裂千艘萬艘瞬息  
滅舟中之人成魚鱉人聲嘈嘈水聲號號風聲颼颼鬼聲吽  
吽浩劫請問蒼天高白鬼黑鬼難遁逃死汝毒物如鴻毛侵  
晨珠舫傳醇醪妖姬狎客烹羊羔禍福倚伏天所操頃刻身  
葬海鮪飢吁嗟乎天災流行至於此人心之變猶未已所地  
悲歌拔劍起

汝曹

山搖海立地欲圯猶嗜鬼煙食鬼茵

音矢葦也見說文

汝曹幸免吸

江水水中不死火中死

安福李岱陽廣文

志堯

重逢花燭詞

裁雲織錦來天孫天錢重助開芳樽四百已酉輪乾坤紫簫

吹月鸞皇蹲漢書再壓夫君門雙面復開寫韻軒劉綱佳偶

堅靈根雍伯內助傳賢墩

賢墩在西廬山下

老人星耀三女盆百牢

爭饋來莊村羊侃夫婦森椿萱檐酒介壽羅鷄豚君家固言

雙笑溫

李固言亦重逢花燭

執燭前馬圖新婚三商夕禮簪在昏相見

不用含羞言老松中帶桃花魂梨眉合蓋微溫存雙飛雙集

雙湛恩再祝再拜看朝暾八音繁會律吹暄願君再遊雙修園

再咏重逢花燭詞二首

廣文夫婦年均七十三

郎君白髮唱睢鳩禮訂三商範衍疇也有曾孫呼大母畫眉深淺莫含羞

七十三翁賦好述詩吟慈嶺笑陳修何如重却紅閨扇老鳳雙雙下畫樓

寄居草堂圖爲同里楊肆三山人

識賦以閨中寄題

結廬星宿海足踏鼉鼉浮築室昆侖墟手挈日月游大千世界只一粟茫茫造化皆蜉蝣老聃曾留藕絲孔蟪蛄常集宵

飛眸寄居兩大言所寄天地有壞吾何尤

仙書天地有壞神惟元牝不壞

龍倏忽變老子蝴蝶頤刻成莊周宇宙吾廬太虛室細旃腐

廈皆浮漚君家昆季有道氣仙書金簡方冥搜

令兄謂我頗梅丞

請周易義陰陽姤復窮探幽我調性命雙脩旨大根月窟心中求海天迢遞來雁札如游三島觀十洲我有一言君勿吐精氣神外皆糞土一竅予關居其所

### 嘲新婚

郎就外傳歸三旬喜相見傍郎低聲語昨夜初

婢變婦人月事謂之

婢變見說文

### 送鄭小谷比部歸粵西

淹留且莫竟淹留門繫驪駒唱小櫓別是當歸君舍去贈之  
芍藥我偏愁一聲風笛羊城暮萬里霜鐘象嶺秋通德聲名  
高海內黃巾羅拜到星郵

尊前拔劍起高歌把袂魂銷黯奈何短簿詞華今獨少長沙  
才調古無多手槌鸚鵡搖山岳鍼度鴛鴦繡綺羅松桂增榮  
農隱去耕夫踪跡隔烟羅

此部自號  
識字耕夫

願借長風吹倒山無山望見故人顏龍從雲去垂千畝雁逐  
星飛到白蠻不唱黃花隨舫艇休勞白日照刀鐔乾坤傳舍  
藏知己莫遣相思兩鬢斑

陽斷河梁五字詩千秋高誼見襟期吳鉤笑裏乖風響成數

秋邊去權遲從此辛劉長入夢當年管鮑苦相知入山泉水  
清如許時放晨風海上馳

附錄小谷比部留別詩

騏驎開路幾時休麋鹿逃林且自由漱石枕流重習隱登  
山臨水正悲秋亟行已後亦賓雁難別真如戀主猴多謝  
故人持贈意河梁五字遠供愁

風聲瑟瑟水淙淙客感經秋恰滿腔試問眼中人有幾空  
言名下士無雙濫竽未敢南郭採菊惟堪臥北窗自笑  
毛錐三寸管龍文健筆任人扛

辭越華  
講席

羈栖聊託一枝巢贈答頻將五字敲二十年前心早契四

千里外手初交居停有主思辭樹去住無官肯繫匏笑  
吟箋慚下筆煩君爲解子雲嘲

他鄉送客故鄉迎朋輩相期豈世情五管雲山無竊帝八  
公草木有疑兵謝公已少中年樂張翰何求後世名但得  
家園容小住波鱗雲翼往來輕

書簾上代歌者寄遠

鐵騎鳴寒料峭風火爐圍坐一燈紅遙知雪夜吳山驛瘦馬  
馱裝過浙東

幔亭峯外雨如煙嶺樹迷離叫杜鵑明歲落花時節到有人  
腸斷李龜年

金華王蘭汀齋尹

家齊

招飲柳堂展重陽

夏蟲不知冰寒蟲不知溽人惟畏一炎我獨畏一俗聞君求

友聲嚶嚶方出谷欣然叩門來攜書柳堂讀

君寓館柳堂有樓可以平眺珠

海舉世爭題糕我喜賡伐木愛君醺懿心與我天機觸動與

陽九興靜與陽九伏空山有落花餘事尋陳牘坐中對澹人

請看階前菊

近日詩寄王蘭汀

齋尹

不明詁訓經難讀張

張揖廣雅

許慎說文

談經詁訓明近日談經薄

詁訓麻姑狡獪問方平

我昔



我昔適鵲華道傍墜飛翼近視乃一鳥幾被晨風執征凶折  
其肱小鳥在旁泣我憫鳥卒瘁惻惻救之急敷之以藥物食  
之以瓊粒須臾鳥能鳴頃刻鳥能立轉瞬鳥能行跼跼鳥能  
戢小鳥竟颺去追之不能及天高任之飛我懷無固執

俯仰

髮爲騷勞指風聲盡甲兵兒曹三地隔

長兒慶炳游幕建甯  
次兒慶澥游幕江右

四兒慶荃

隨余客粵鼙鼓八荒鳴獨鳥停樵徑殘霞壓水城乾坤無樂

土俯仰故鄉情

畫蘭贈王蘭汀澹尹

解佩要之見淡妝仙妃姑射獨馨芳不宜空谷宜瓊圃

人間王者香

過五羊觀感懷

五羊仙已隔煙蘿故國何須溯趙佗醫術求如秦越少鄉咏  
時襟楚齊多廣地醫無師傳士民多不通正音探丸盜賊環城邑藥館蠻夷  
伏劍戈我本無家銜穀至茫茫歲月暫婆娑

嫁鼠戲作

俗以臘月二十五日爲嫁鼠日

絳幘欣乘馬婚宵嫁亦華也如人有禮誰謂汝無家鈴索房  
中樂琴絃穴裏葭珠銜爲婿質姑贈牡丹花

懷山左汊河義士董藻華

憶昔同年元楷臣

自長嶺光澤人乙巳从京師歸病卒汊河  
敝店主人董君爲之醫藥及死後爲之殯

殮腐書招其子送區歸

死生

卒遇董超塵

藻華字超塵

北方儘有肯沽客可

是侯生一輩人

### 懷桂皓庭孝廉京師

牙有鍾絃在莊未卸質亡尙餘讀書種未覺老天盲蓬轉二

年別裴勝數尺長口誦輪非的亡羊穀異賊雲雷資護屈垂

寶固冬藏北邸風塵別南轅雨雪霏望君慎金玉爲國留聲

芳

孝廉著經義博訪錄採擇極精

### 題珠江話別圖送高寄泉離尹

繼珩

歸北平四首

論交並世半英姿海上相逢又子期

高子期國士也慕期此鍾子期故取其名

襟懷天下少未曾晤見爲刊詩

爲刊詩二卷

吾道於今信不孤  
王郎意氣古今無  
謂王借來按樂窩  
中筆  
恣寫關山行旅圖

風誼文章最有神  
親朋三晉又三秦  
孔繡山觀察三晉劉剛甫官秦隴均與君舊好

干戈滿地無消息  
一例相思話故人

飽讀端門丹雀文  
筆搖嵩嶽走風雲  
情根深處談根淺  
黯黯驪歌不忍聞

### 海天琴思圖

道州何子貞師相遇於羊城繪此

寓神於意一俟知音淵淵龍鴻妙契與深  
非馬之仰匪鶴之舞海風吹絃停而不鼓